

學壽堂詩集

余五十以前詩稿盡燬於辛亥之秋以爲雖吟咏小事傳不傳亦自有定不復省錄人民國間有所作又遭丁巳夏復辟之變倉皇出奔無復存者是歲漫遊日本得詩數十首余弟紹桓爲余序而刊之以識一時游蹤嗣是南歸六七年中又得百餘首癸亥秋輒刻成南歸草三卷當未刊時尙有數十首以壬戌夏廣州兵變而失之蓋小至詩草亦已三燬矣四方親友知余舊稿盡失各錄其所存曩時相與唱和之什見寄得五十餘首重當時師友唱和之意而過存之余之詩實不足傳也然其中自庚辰以至己未四十年中余之面目亦可於詩約略見之矣甲子四月徐紹楨記

1924

上海圖書館藏書



A541 212 0022 4725B

上海圖書館藏書

刊誤表

- 卷一 十八頁三行第七字破誤觀
卷一 十八頁四行第一字觀誤破
卷三 六頁九行第十六字韻誤詔
卷五 五頁八行第二十九字坡誤披
卷六 十四頁十二行第三十字統之兩字左右掉正
卷六 十九頁七行第十格奪多字

學壽堂詩集卷一

番禺徐紹楨撰

燼餘草

題秦雲五畫梅歌

秦生好畫兼好詩，昨宵寫得梅花詞。一編冷豔亦無迹，恍惚寒飈素雪颯颯交。
相馳生也經營思，不羣謂此末盡花之神。揮毫爲作喜神譜，但見一片空碧倚。
寒雲孤高不與凡卉伍，花之品格一何古。暗香疏影疑有無，老幹橫條迥飛舞。
春到先開嶺上芳，先開先落理之常。此中一開永無落，不須重覓返魂香。秦生
秦生吾看汝畫有奇境，象外傳神妙思逞。儻然風骨更超塵，人與梅花情共永。
此畫可稱絕世無更煩，爲我畫作探梅圖。驢背詩翁及童子，曉行十里雲滿湖。
歲庚辰余與秦雲五同客懷遠雲五每畫梅輒督余題詩其上，蓋無慮百餘
幀。今四十餘年詩畫皆無存，偶從友人許錄還此詩，並得後數首，不問其工

拙補刊於此欲以見余兩人之交誼並少年唱酬之樂然不勝感慨系之矣

戲題秦雲五畫梅龍

雲五畫梅亦非梅偃蹇十丈如龍來玉鱗遍體鐵爪健風雪飛騰上九垓

雲五畫梅是梅龍始知嚼梅語非空欲問居士龍何味寒香竟體氣則雄

雲五自號

嚼梅居士

戲題秦雲五畫梅

雲五畫梅無畫意徐子題詩亦非詩世外佳人漫相值淡妝艷色不自持是花是人渾莫辨畫誠多事詩尤癡

題秦雲五踏雪尋梅圖

可憐擾擾雪中人用蘇句盡日尋梅餓不眠欲向圖中呼汝出不能忘物必亡身

題秦雲五畫梅

煙霧看成一泡影色香留得千縷情正是夜深人定後月明無賴又三更

又題

畫裏看花事可疑，昨宵真見此芳姿。
醒來一枕羅浮夢，惆悵參橫月落時。

乙酉秋游冰井寺憩準提閣和金漣生同轉韻

古賢有遺迹，佳日足清游。
樹影當門臥，泉聲入地秋。
風高黃葉瘦，山迥曉煙收。

銘石今何在，殷勤共一搜。
元次山冰
泉銘久佚

高閣掛林表，登臨若步虛。
不知秋氣冷，祇覺俗塵疏。
到處耽幽趣，何時此卜居。

歸途聊唱和，蕭散寄樵漁。
用皇甫
冉句

丁亥上巳冰井修契再和金同轉韻

爲愛林泉好，頻煩作勝遊。
可憐高會處，已異昔時秋。
觴詠年光促，
王右丞詩上
巳年光促

雲山畫景收，蘭亭自千古。
逸事可能搜。

微雨侵華薄，春潮蕩碧虛。
桃花何灼灼，桐乳自疏疏。
誰擬會稽序，重過支遁居。

祇今來往熟，還得似樵漁。
唐于
鵠句

乙酉秋金漣生丈招遊冰井寺成五律兩首余既和之己丑冬至復承寄示冰泉唱和集卽用元韻再和四首

記得城東路招邀此勝遊
泉聲流夕照山色弄深秋
黃葉落難盡閒雲散不收
漫亭在何許遺跡爲窮搜

海內文章伯才名動六虛
獨憐詩律細頗怪俗情疏
宏景眞仙吏陶潛舊隱居
往來有詞客唱和效樵漁

一棹韓江渡淒涼作遠遊
依人驚歲月惜別幾春秋
亦有山川好更無圖畫收
往遊冰泉陳大令象九吾兄季同均爲繪圖紀之 中宵餘短夢辛苦一尋搜

千里傳詩卷披吟興不虛
諸公皆俊逸賤子愧粗疏
至日仍爲客頻年感索居
何當一尊酒重與話樵漁

壬辰九月三日約客遊鼎湖和族兄巨卿孝廉五古一首次原韻

時客端州

平生邱壑心忽夢遊山寺
晨興召嘉賓買舟來水次
舍舟復登陸風雨亦不避

是日適有風雨 行行赴重巒似近三摩地遠聞木樨香山有桂花頗香疑是尊者致途

間得落花母乃天女墜入寺肆幽探伽藍何凝邃內觀若無物開門萬堆翠慶雲

寺內深房密閣香火繚繞無可遊觀門外則萬翠環拱多勝境矣 縱步飛水潭噴雪清且駛潭中石壁有噴雪二字祇疑

白馬奔恍似神龍戲暄逐何日寂我欲叩佛旨願我來初地本未通文字讀書

廿餘年亦無經世意此心雖未安此意已如醉願從我佛遊誦經爲鼓吹是日將歸

余謂巨卿曰吾欲學佛不願歸矣巨卿曰此必傳之作但尙非其時余曰此正其時也再歷年所此心日壞作擊日多佛必不許矣同遊者皆大笑

附原作

壬辰九月三日族弟固卿約遊頂湖暮至慶雲寺宿木樨堂 徐 鑄

篝火聯輿路屈旋環林秋處見圓天山心合受吉祥臥泉意有如清淨禪裏

鉢雲房供法鼓燒茶石竈試新煙同遊妙是諸方客定裏鐘魚互冢然

次日出慶雲寺遊飛水潭 徐 鑄

秋曦破危岑蕭晨出幽寺東趨仄徑斜林箐亂無次澗葉隨策零巖花側帽

避夙思銀色界恍入法雲地神王快近觀行紆慮遙致數武亭陰浮半白樹
罅墜境奇此探討路近乃深邃石衍盤陀青山結迴環翠瀑布千尋懸溪流
百道駛直疑冰雷傾何止玉壺戲搖潭清且漣掬水甘而旨飛星散泉沫噴
雪泐苔字潭水上石壁有噴雪二字其題名彷彿不可辨各各抱濕心忽忽聚寒意夢想匡廬遊襟
坐沆漉醉西日首歸塗香門作松吹

丁未贈日本某將官

海水羣飛日英雄物競年風雲多變態樽俎且周旋尙武君誰敵橫戈我未前
相從論唇齒雅意亦纏綿

戊申人日寄八兄蜀中

昔年人日共題詩今日詩情異昔時老去漸驚雙鬢改書來應有隔年期艱難
救國言猶在少小趨庭事已移丁未人日兄道出金陵爲余書聯云何日歸耕
故山畔軍衣除却著蓑衣莫忘少小趨庭日共有艱難挾國心

戊申秋金漣生丈自北京南旋喜賦

一舸江湖載酒還，相將攜手說容顏。
東華塵土君何有，西笑情懷我亦刪。
重九雖過猶有菊，清時無恙且遊山。
尊前更出新詩讀，感事懷人未覺閒。

金漣生丈招同繆筱山京卿陳善餘徵君舍弟公倩集圖書館酒後登清涼山次韻奉答

此老風情近更高，同登山閣不知勞。
祇應秋色傷懷抱，未惜繁霜點鬢毛。
時事縱談吾不忍，圖書遍閱客都豪。
前山更踐攀躋約，踏盡斜陽醉濁醪。

于壽亭爲陶齋尙書老友已酉四月將歸都門尙書爲石城送別圖而系之詩以送之示予題此用原韻

吾亦欲歸耳，披圖一惘然。
鶯花思故里，風雨送江船。
惜別情何限，憂時計亦偏。
莫談王霸略，好自惜衰年。

己酉夏寄贈日本葛原老龍

海外文章伯傳聞好隱居松濤伴長嘯琴韻滿吾廬老至猶耽學時平自著書
何當渡東海相與話樵漁

韓國全醉堂臬使丁未歲來遊南京爲王梧生主政寫詩卷韓固無恙也
庚戌春梧生出示此卷則韓已併於日矣爲題此詩

此老胸中無限恨却將詩句寫閒情言從上國隨緣住真覺來途似夢行北闕
上書餘涕淚君在韓曾上萬言書南山種豆寄浮生卽今風景無殊昨多恐新險未易成

庚戌十月野操後還湖上寓樓

八千子弟知憂國歲歲相從習野操劍影遠揮山色暗礮聲遙接陣雲高欲施
孤注誠何益爲勉青年強自豪戰罷歸來成一笑漁家爭向問塵勞

辛亥正月後湖寓樓宴集得三十四韻同宴者樊樊山方伯陳伯嚴吏部
夏午彝編修林貽書學使孫少江協統吳鑑泉陳仲恂張黃樓吳康伯
王孝宇諸觀察楊子琴虞和甫兩太守黃筠綰明經舍弟公倩

頻年事戎馬窄袖而短衣革帶苦束縛劍佩長相隨顧我本書生乃似幽并兒
雕蟲久未傍射虎空爾爲昨歲忽深省邱園生遠思况當衰老日何補時事危
爰度湖山地却將家室移遂初賦未得休沐斯其宜樓當四面山其下湖水漪
春時百卉發桃李有芳姿盛夏草木長修竹涂徑歧西風動殘荷黃菊滿東籬
梅花傲霜雪繁香不自持乘時逞生意物類各有知老夫獨無聊終爲時所羈
朝起策馬出暮歸秉燭馳夜遊亦莫及所盼及星期七日一來復舉室恆怡怡
老妻折蘆荻常在水之湄稚子垂釣竿得魚羣自嬉漁父及樵子相習毋猜疑
獨怪多泥塗親朋苦遠離山水有何好僕夫咸畏之諸公忘軒冕肯赴野人期
人門各大笑履險真如夷樊山老詩伯文采堪吾師吏部才如海氣盛言獨奇
自餘皆文豪詩壇盛鼓旗相將鬪長句文藻紛離披奪標非吾事百罰亦不辭
旣醉倚欄嘯紅日在水涯鍾山與臺城隱約煙靄帷懷古信無暇感今還參噦
明朝閱兵去再作從軍詩

湖樓宴集樊樊山贈詩次韻奉答

初試東風解敝貂用舊句湖樓寂寂似僧寮微聞花氣通書幌喜看炊煙出瓦窰

憂患餘生原不惜江湖心事總難消漁翁忽報高軒過何啻冰天下健鷗

傳觴座上折花枝鬪句輸君掇色絲春水漸看前渡漲湖水經冬極淺前二日得兩乃始發生夕

陽頻見隔山移多情如弄桓伊笛歸去難忘元亮詞定有雅懷消不得明朝打

鉢更題詩

再和樊山窰韻一首

講武何時謝左貂結茅長得傍山寮好除荒徑招山簡欲畫林巒巧小窰圖繪實鑑

陳用志工畫山林學胡瓌而多出己意人呼爲小窰陳是日李梅菴王孝宇均工六法爲余圖之花鳥春來都似識情懷老去

更難消聯吟累日眞成癖獨苦城邊覆雪鷗

喜晤梁節菴再用窰韻口占奉贈

敝屣公卿塵視貂辭官盡日訪僧寮可能無意憂天下却把閒情品古窰節菴喜古

磁庚子晤於武昌見其
搜藏甚富品別亦精
十載別離髯更美千秋心事我都消尊中有酒堪同醉

篋裏休看簇錦鷗

送節菴旋粵

三十年來四海稱相逢相視迭嗟矜身閒始覺君恩重事去空令涕淚增夫子
漫思張翰繪路人猶說郢都鷹故山此去煩傳語我欲歸耕尙不能

壬子秋海上逢于風八

少日詞場同逐逐老年鬢髮各蒼蒼鶯花海上春游健猿鶴山中夜夢忙事業
已拚輸謝傅姓名端合隱韓康乾坤搖落成何事大笑相攜醉一觴

劉伯遠招飲卽席口占

高會天涯少閒情旅客多羣公皆命世吾輩且高歌縱酒原無賴吟詩似有魔
劉郎吾勸汝不必問如何

伯遠有歌者遲遲未到爲詩催之卽席次其韻爲戲

江南春日故遲遲，恨煞當筵杜牧之。好爲平量珠十斛，更誰能結網千絲。情懷碧海三分月，心事銀牀十二時。此去篷山應不遠，劉郎可得一開眉。

癸丑四月二日崇效寺看牡丹時已將謝矣有貴族某亦在寺游焉

沈香亭畔一枝花，生長由來在帝家。今日如何蕭寺裏，粉痕零落舞衫斜。

青松紅杏見應難。

寺有青松紅杏圖手卷爲康熙間前方丈僧崇朴所繪二百年來京師巨公題詞殆遍庚子之亂爲某君以百金易去

皓態狂香祇自寒。

唐人評牡丹有皓態狂香

悟得空門空色相，不須惆悵倚闌干。

二十年前走馬來，綠陰如夢向人開。不殊風景悲生事，賸有花魂伴綠苔。

題張滄海篁溪歸釣圖

張君志飛遯，歸臥篁溪旁。修竹手自種，三徑良未荒。君言遭世變，四顧空茫茫。願學垂釣者，無魚亦何傷。君昔少年日，意氣誠飛揚。目中無禹稷，豈意效楚狂。今歸侶麋鹿，將復傲羲皇。我欲從君游，而無田舍莊。欲尋桃花源，道路阻且長。披圖爲太息，看君天際翔。

癸丑冬京師見徐花農侍郎蒙贈以詩依韻奉和二首

程門立雪久相親，却後何期又卜鄰。未喪斯文遺一老，卽論餘技了千人。觀書
內府聲華遠，結社南園教澤新。地老天荒吾道在，不須懷古共悲辛。
國體變更有議廢孔

祀者師乃於城南立孔社以張吾道

朔雪嚴風一望賒，長安那得更看花。

唐孟郊登第詩一日看遍長安花自停科舉遂無此事是日席中有談及宜復科舉

者故及之沙場昔日曾攜酒，石鼎今朝試煮茶。憂患餘生消道力，艱難來日感年華。
尊前無限傷心事，欲賦深慚溫八叉。

花農師齋中蕙放並蒂花自寫同心五見圖爲詩紀之依韻奉和二首

空谷曾聞結古歡，茫茫人海見應難。乍驚謝樹臨階砌，却似燕姬入院闌。衆草
定知羞與伍，孤芳何幸得相看。天生異卉徵奇瑞，願祝長生伴歲寒。

猗猗臨風寫幾枝，天階露白正秋時。自攜蠻素歌檀板，原作有自攜蠻素共憑闌之句好共皇

英晉玉卮秀質合，當君子佩芳叢。還有野人詩來春更坐，花前醉爲獻新詞頌。

玉芝師齋中又有玉芝叢生

花農師出示喜霽開尊詩依韻奉和

今秋雨水若翻盆我亦無聊獨閉門聞道西園盛賓客
陳詩為

始都督而作時余方師齋中蕙新舊種梅花已結村
東坡有

客天津未與盛會也羅莫問陰晴天上事浮雲萬變總無痕

下梅花村之句師嘗於羅桂管游蹤夢屢牽簡始及同座之張筱棠譚

廿年捧手侍經筵師督學吾粵今但得相逢皆樂事况兼文字有前緣師目擊近時

於孔社中設信古傳師目擊近時放眼吾當任大千且喜師門多喜氣鳳雛驥子起聯翩

習所以經術挽回之諸世兄亦

奉題花農師北窗夢月圖

月色何今古乾坤獨往來高情千載共風度幾人開賤子慚孤陋新詩誦百回

無緣乞靈藥夜夢為徘徊

奉題花農師瑤花問答圖

吾宗老夫子雙鬢忽皤然道德推前輩風流惜暮年拈花能解語對鶴欲參禪
小試雕蟲技還勞天下傳

乙卯京師聞于晦若吏部之喪詩以哭之

日下初傳耗中宵屢愴神斯人不可作天道竟難論遜世心良苦無兒衆所親

扁舟欲何往淒絕滬江濱君方買舟將游崑山忽於舟中得病而卒

四十年前事渾如一夢中聯吟六榕塔妙喻百花筒乙亥秋與中方修六榕寺塔余與君游焉時同游

者有持百花筒傳觀君曰世事之變幻正如此然百變而不離其宗亦如此也余以為見道之言故記之鴛水同懷古丙戌君自四川回桂林下

梧州寓余邸舍嘗同游冰井寺燕臺說和戎己未二月余入都會試見君於北洋節署君方治裝將從李傅相赴日議和也自從柏林

去祇有夢魂通戊申君使德國考查憲政道出南京曾一見後不復見矣

吾道已孤寂何堪又失君哀歌餘鄭易鄭叔進易實甫各有挽詩早死痛林文謂林颺伯銘仲昆仲及文

雲瀟瑟崑山雨君慕顧亭林屢游崑山淒迷嶺嶠雲招魂吾欲賦嗚咽不能云

吏部文章在真同日月光百年誠旦暮千載有馨香鄰笛難爲聽人琴已並亡
從今知己少愁望海天長

丙辰冬京師酒樓與沈直公談舊事卽席次韻

舊事真同夢裏逢江南何日更扶筇懺情怕見三五月念佛思聞百八鐘世事
卽今成逐鹿人心猶自說屠龍尊前無限傷心淚濕到衣襟透幾重

戊午秋在申江送紫棠叔入楚

寒雨連江客思淒吳山楚水望中迷滔滔日夜東流去何獨扁舟更向西

送朱鐸民游南洋羣島

萬方正多難之子欲何之惜別情無限匡時策獨奇茫茫羣島遠蕩蕩一舟遲
信有回天力行行慎勿疑

李少將伯英母李太夫人七十壽詩

一將功成足顯揚三軍曾聽頌萱堂行年合比少君李李少君年登百生子真
歲而自謂七十

同大眼楊自古碧雞多閒氣好從黃浦舉霞觴石城回首銘勳處我亦當年共
戰場

爲人題荷花鴛鴦畫

月曉風清不自持此中情緒少人知劇憐水上鴛鴦侶日傍靈巢未忍離
萬年遐福頌鴛鴦小雅溫柔托興長比似濂溪愛君子此中一瓣是心香

哭劉蔚廬

一老憂時五十年白髯如戟氣冲天東南學闢船山派西北神馳關隴邊開府
湘中留偉績聯盟海上聚羣賢君近爲策進和平會長余亦以世界和平
共進會代表來滬遂有三會聯合之舉萬方
多難君先去長使英雄涕泗漣

己未在蘇州聞于風八之喪詩以哭之

我昔初識君君年未弱冠行文效六朝講學宗兩漢才高困鹿鳴志大思馬汗
偶得千里駒飛鞚不停腕馬亦有奇氣昂頭向天竄翩然玉山頽倏忽血光燦

羣觀驚欲狂神全獨不亂會有祝由科畫符將水灌鉗出碎額骨不痛亦不瘡
歲庚辰君嘗墜馬傷額有湘人習祝由科者爲畫符水濯之飲之以小鉗取出額
上一碎骨大如豆旋愈皆以符水未嘗用藥此余所親見惜日久忘其醫者姓名
也內守誠有道觀額復何憚惟自念先傳色憂恆感歎從茲習丹經萬卷盡

破玩真同臂九圻何祇金萬鍛南北與東西所過一二豎道人方重圭璋君乃絕

羈絆願爲山海狂不取勳業爛

袁蔚廷就大總統職後聞君賢欲羅致之其左丞楊杏城有壻某病瘵垂死曩曾得君醫愈乃爲書

招之既至則報袁延入公府君入府始知虛與委蛇遽辭出即登車向天津而去
是時余亦在京師君先過余欲主余家余乃設筵以待久之不見來始知君已去

後得君書言吾乃山海狂人何堪作此惡劇今且歸桂林隱矣

君家居桂林山水稱奇觀猶幸松菊存不教猿

鶴散未幾余東歸君信謂來看而我又遠行君亦遽捐館姑蘇得訃書淚珠流

不斷

余丁巳秋自日本歸里君寓書言當東下看余次年春余又赴上海旋於姑蘇得君訃書始知無再見之日也

回憶卅年前飲酒

同揮翰妙緒若翻泉波瀾浩無岸嘗登獨秀山相與樂例例君言獨立佳余謂

無儔候茲事猶目前更誰爲論斷垂老今哭君無文似繪縵絕學繼何人一詞

愧莫贊願持磨鏡具奔弔公墟畔

吾兄學壽老人少日卽嗜詩三十前嘗自選所爲古近體數百首錄成數帙藏之不輕出示人三十後肆志講學四十後日兵間吟咏遂少有時以餘事爲之而詩筆益健詩律益細其教人學詩以練意爲主練章練句次之練字又次之不徒爲吟風弄月之詞更不尙無益之作也辛亥之役所居南京湖樓爲清軍所焚藏書及撰而未刊之稿盡歸一炬詩稿遂無復在人間去歲復辟之變東渡兩月在馬關神戶間日以咏吟爲事得詩數十首其抱負之宏大志趣之堅定胸襟之光明皆可於此見之而所謂詩律之細詩筆之健則仍未嘗失之毫末客中未攜書籍所作乃無一字無來歷尤爲人所難能者也余因爲吾兄校而刊之以諭天下讀者

民國七年三月番禺徐紹桓謹識

衆山環海水水上畫樓臺金碧時飛動風雲日往來求仙千古事救世幾人才
同此滔滔去乾坤何意哉

游馬關春帆樓感賦

腸斷春帆樓下行當年使相駐遊旌海軍早料同兒戲清治海軍十五年不能一戰余聞各省所解海

軍經費悉提供頤和園之用嘗上書政府論及之中國從茲失大名歐美各國向視中國為大國自此戰後日本遂躋於大國之列而中

國乃在三獨立空悲唐伯理乙未和議割臺灣巡撫唐景崧抗命獨立衆推為伯理璽天德未幾力竭內渡臺遂歸日憂時

新起粵諸生清德宗自此役後銳意變法擢用康有為梁啟超等未幾有戊戌之變再經喪亂無元氣誰秉鈞衡

鑄錯成戊戌後守舊者當國又有庚子之變

關門日日新聞社長末光君招飲鎮海樓詩以謝之

危樓高聳鎮關西四面雲山入望迷海上梯航尊底合筵前歌舞世間稀有妓歌舞

稱東洋之冠新聞愧對衰容老席間出紙報已將余小照印在上舊事慚將故相提有客言鄰近春帆樓即故相李

鴻章駐節之所多謝主人能醉客宵分歸去已雞啼

道出馬關陸軍中佐田門平八留宿其家五日感賦二律

江南舊侶半凋零，海外天留一將星。
勁旅萬人皆弟子，高名千古合丹青。
別來鬢髮都非昔，話到時艱不忍聽。
難得故人情倍重，張燈宴客啓前庭。

軍衣除却自歸田，築室危巖石磴邊。
未信英雄能拜佛，漫教兒女學求仙。
君所居山

有一廟兒女日夕往遊君不隨戰騎還隨犬，
君蓄一臘犬出入必相隨既羨淵魚復羨鳶。
君

一日偕余往輒求一簽別有壯懷消不得，
朝朝戎馬過門前。
駐關軍士赴山操演日必出君門前

馬關與田門中佐觀漁既復登山見獵者口占

臨淵觀魚意空羨，登山見獵喜欲狂。
結習老來都未改，問爾此心忙不忙。

八月二十三日傍晚與田門中佐散步河干，忽見對岸舟中火起，無能救者，焚至中夜而熄，爲賦一絕。

火起遙看隔岸船，星星不戒便冲天。
嗟余欲救無舟楫，勿謂旁觀只自便。

東渡途中聞茅子貞同年之喪詩以哭之

一別京華又數春遙聞噩耗倍傷神名場共逐真如夢子舍傳經大有人學術
豈徒文苑傳循良曾現宰官身定文知己更誰是每讀佳章淚滿巾

君嘗爲余
撰文集序

日本議員神林虎雄書來贈寶劍詩以謝之

少日方讀書性情喜說劍荒雞聞未忘越猿時在念及壯事戎馬佩之意殊豔
嘗游東海歸得寶百金驗無異百練鋒觀者舌都澹沙場昔相從殺賊如屠獠
國事既大定棄置偕鞍轡寶氣未上騰寒芒空自斂我劍嘗怨我功小身遽潛
我亦怨我劍助我力尙欠奔走十餘年垂老面成考方欲理故業閉戶治鉛槧
君乃復贈此得毋愛過贍故劍信不如衰年則良忝勉力更佩之彌恐狂成疴
一劍已失所兩劍豈容占願仍持贈君立功庶無厭他日出相示光焰堪共貼
爲詩以紀之留與後人驗

浴

塵沙滿天地到處汗面目世濁輒思清骸垢可不浴出門得溫泉解衣如脫梏

灌頂水噴珠

浴室有水管如蓮蓬式水自頂上灌下

人鼻氣散馥

用蘭麝洗濯芳馨四散

煙霧騰濛濛

室中熱氣

如烟

清風來穆穆披襟起啜茗體泰心已足吾徒重潔身衆生潔者孰至道貴

無相無相垢何屬不垢斯不淨無榮自不辱悟茲清淨理未妨眠龔屋

田門中佐曩於南京後湖獵得一白鳧放諸馬關神社池中今十年矣余

過而觀之方與羣鷗游嬉爲賦一絕

射虎歸來得白鳧十年無恙在江湖老翁只管偕鷗鷺

樂府化爲白鳧如老翁

可憶昆明

舊侶無

後湖又名昆明湖

遊神戶鄭祝三來訪賦贈

萬方多難此逡循豈意羈棲遇故人去國念年君未老談天竟日客如親未妨

蹤跡徧瀛海自有詩歌泣鬼神回首家山同悵望何時歸去結比隣

布引山觀瀑

觀瀑平生最心喜何期此地漫相逢寒光恍類奔濤馬匹練真同赴壑龍聲聞

前山皆響應陰連四面若雲封鼎湖人去匡廬遠故國回思感逝蹤

湖粵之鼎江西之

匡廬皆有瀑布名天下三十年前族兄巨卿孝廉嘗偕余游鼎湖今巨卿下世久矣匡廬則官江西時嘗游之同游者亦多散亡也

前詩成後戲作

一泓泉水在山清盡日喧唼向下傾自要出山誰管得何須又作不平鳴

詩成聞此瀑已引爲全城自來水又戲占一解

在山誰願出山忙只爲蒼生興欲狂億萬人家受沾溉便教濯足也何妨

越日再觀瀑戲作

奔流日夜不能閒霖雨蒼生事亦艱欲向神龍問消息出山何日始還山

山有廟祀

龍神

又戲作神龍答詞

江海滔滔去不還英雄淘盡未能攀拚茲涓滴誠何惜不舍從教晝夜看

布引山有二瀑土人名之曰雄瀧雌瀧雄瀧高距山巔雌瀧則旁山麓余

日日登山皆觀雌者一夕忽夢見雄瀧醒而賦此

日日登山拜雌讀風未遑瞻彼大王雄祇緣衰老攀躋苦却有精魂寤寐通夫

唱婦隨聲自應乾施坤受道相同雄瀧在山巔流至半嶺又循別道而下遂成雌瀧自外觀之似二水其實一也劇

憐各踞行雲地咫尺相看類隔蓬

游大倉山觀伊藤侯銅像二首

獨立蒼茫一望中名山終古屬英雄劇憐日日風和雨還與嫦娥恨海同李義山詩

嫦娥應悔偷靈藥
碧海青天夜夜心

佇立山頭不轉身未知屬望在何人我來忽覺多悲感廿載遲生未卜鄰

讀史雜詠

此身已爲有情老避世還同無事忙千古人日來往不交一客也何妨

紀年剛過六千載歷史積成廿四家傳者已同草頭露不傳更比恆河沙

堯舜已往禪讓絕湯武繼起征誅忙大道一隱三千歲聖人莊子聖人不死盜斯猖

不死大盜不止聖人謂當時家天下
之君主非謂首出庶物之聖人也

紂誠無道武如何慚愧當時易暴歌若使推賢崇大道至今無改禹山河

禹嘗時以

天下讓益未改禪讓之局也惜啓不能循之耳武救民水火之中其仁有足稱者若能變從禪讓則以後可無家天下之流毒豈非山河之幸哉

陳寶歸秦事亦天七雄龍鬪勢難全力能定鼎難降志不忍爲民有仲連
鳥自高飛羅奈何鷗夷長泛五湖波可憐文種能籌策未解吳王小女歌

游山偶成

日日登山訪翠微朝陽看過又斜暉未妨向晚還攜杖午夜月明人未歸
樓臺如畫半山間似有仙人日往還我欲采芝頻藉問可憐無路叩雲關
萬山環列道皆通高下寬平各不同我欲盡遊無此力從吾所好入其中
一山高比一山高只要登峯不覺勞獨立無儔非美事斯人誰復與爲曹
前山高似與天連及到山顛大不然學道半生無著處猶如此際望青天
山洞冥冥陰氣多暗無天日奈之何人言秉燭堪遊覽我欲轟開再看他

食巨蟹作

我聞海上有蝸蟬力能制虎虎莫讎

陸佃埤雅蝸蟬大者長尺餘兩螯至強八月能與虎鬪虎不如也隨大潮退殼一退

一腹中有芒寸寸適輸與海神不敢留

段成式酉陽雜俎蟹八月腹中有芒其長寸許向東輸與海神未輸不可食

殼之大專車侔一退一長逐潮流橫行海上無與儔誰能束縛供廚羞我來東海神戶遊庖丁得之笑不休謂此巨者世罕售證以所聞殊不或言神物不可求得此已足無他謀人世名實況難投何必考古窮冥搜時維八月當中秋東籬黃菊大如毬持螯且把大白浮舉杯在手月在頭他時天際理歸舟更將一十六輩收

黃庭堅謝送蟹詩寒浦束縛十六輩

盡招朋偕作大會痛飲百榼忘百憂一任海上龍蛇競鬪猶

觀圍棋

治事貴讀書著棋宜打譜私心苟自用一失百難補
著手本無心相持却有故及至滿盤輸乃知一子誤

聞天津大水憶寄存書籍作

少日喜讀書恆苦力難致從人借讀之惟恃記性記卅年節衣食萬卷充匣笥

又苦戎馬忙徒供蠹魚餌後湖遭劫火焚餘無隻字

余竭三十年之力藏書二十餘萬卷辛亥秋後湖一

火遂盡燬之舊著未成之稿亦隨之而盡

近年客京師始更有所置國難猝發生蒼皇出奔避網載

寄津門未爲兵燹累方期故山歸復將鉛槧治昨聞天河翻大沽水大至白屋孤樹留青苗萬畝棄人民多離居吾書豈有翅吾生固薄福造物亦太忌一火與一水既濟究何意因思古才人好色風懷寄貧賤苦奔馳富貴乃縱姿自忘鬚鬢改甘將性命餒香衿誠辜負銅雀空留懟我爲黃嬾迷書名黃嬾何異美人媚譬彼放楊枝不以物喪志還同失塞馬未始非福至水去縱或存誓將賣不次雖無百城擁何礙千秋事

公倩弟作落花詩三十首書於庶兒扇頭攜至神戶見之戲題一絕

榮枯慣見忘憐惜恩怨無心任雨晴我已情懷似泥絮苦吟毋乃太癡生

題梅花畫屏三首

蔽空雲萬重臨水雪三尺獨自守孤芳無人問消息
冷豔一枝斜春信三分早相逢淺水邊只覺影亦好
大雪滿深山幽人夢初醒今年春更寒愁絕梅花影

詠電燈

我聞維摩說佛有無盡燈一燃百千燃十方光輝騰後人研化學乃知電亦能
一室置爐火諸地架鐵繩途任黑冥冥壁任隔層層氣機只一動無遠無弗應
眞同佛日麗風雨不得陵究其四表被厥自一端興一端或小損四表失所憑
吾居亦有此一夕綫忽傾新火無人送漆室不可行食息皆無據翻輸秉燭明
迺知本先撥枝葉必不榮千鈞一髮繫所關良匪輕無盡亦無滅大道斯克成

華巖經譬如一燈燃百千
燈其本一燈無滅無盡

理髮者以冷水爲余濯髮戲作

生來性不因人熱冷水相澆本最宜獨惜冬烘老頭腦一寒至此亦難支
灌頂醍醐佛喜歡視茲苦樂不相關若教熱火中燒者堪作當頭一棒觀

寓園雜詠

卜居聊作小勾留小小園亭景亦幽有水有山還有樹納涼剛過又吟秋
小樓一面對西山無數秋光照客顏日日臥遊還不足攜筇更訪翠微間
閒坐樓頭看隔牆鞦韆影裏有蕭娘忽然一陣香風到吹起詩腸與酒腸
香風過去又腥風一女烹魚用火攻釜底加薪掌搖扇要他糜爛我飢充
買得金魚六寸長放歸池裏任洋洋天邊也有飛鳶過無計留他助詠觴
旅客逢秋百感并庭前卉木漸凋零梧桐葉落棕皮醜幸有長松照舊青
將棋方罷又圍棋勝固欣然敗亦怡平日此心遊八表這時方寸得收之
新得陶書論夜壺雌雄莫辨似椰揄願爲持贈閨房用盡使紅裙變丈夫

某君着支那陶器書繪夜壺
云是近代支那婦人尿器

嗟彼秋蟲永夜鳴頻驚鄉夢未能成侵晨別寫思鄉句問汝如何不答聲
蟲夜鳴至

曉即止

昔日詞場又戰場論文講武自稱強而今垂老仍奔走晞髮扶桑尙不遑

生田神社秋祭日百商雲集余往遊焉作詩紀之

百貨場兼百戲場如雲士女出江鄉有人方作遊仙夢老我聊從舉從國狂拜
佛參神非本意祈年禳札看他忙歸來買得兒嬉物留與諸孫細較量

陰雨不能出門獨坐小園中口占

時雨濛濛八表昏泥塗難涉且窺園林花亦有紅英落絕似春時蕩客魂
步行見夾竹桃乞得一枝歸插臥榻傍賦三絕句

桃花紅怯西風冷竹葉青凝白露清絕似佳人和俠士白頭相對不勝情
一枝穠豔拗來新倚旋秋光勝過春恨我別無水晶枕教他還伴竹夫人

記得蒼梧旅邸中數株帶雨復迎風分明血淚湘妃灑染出秋容分外紅

客神戶時與鄭君祝三唱和頃又出眠時事感懷詩依韻答之

隨緣小住亦堪嘲只把詩鐘盡日敲雨過眞如神鬼泣

昨贈君詩有自有詩歌泣鬼神句適連日風雨

故道同應有友朋交心雄我尙頻看劍才大君休嘆繫匏說到興亡關故國救時無策且占爻

橘三郎聞余至神戶由東京來見喜賦二絕

故人久別忽相親風雨高歌若有神

連日風雨

獨惜匆匆復分手

是日余已治裝待發君晤後亦返大

坂何時相與結比隣

旅館張燈縱酒時十年前事不堪思江山如故人皆老贏得繁霜點鬢絲

友人以畫一軸屬題內繪蜈蚣蝦蟇蛇三事爲占一絕復各賦長句一首

圖中三毒勢相均也似羣雄講睦親各抱殺機無敢動自存先貴勿侵人

埤雅蜈蚣

性能制蛇卒見大蛇便緣而啖其腦莊子曰螂蛆甘帶是也今俗謂之百足舊說蟾蜍食螂蛆蜈蚣食蛇蛇食蟾蜍三物相值莫敢先動是亦騎虎之義不得

也下

蜈蚣

蜈蚣大者百步長肉白如瓠頭車箱腦中有珠比月光海上發見似屏張以氣
禁蛇蛇則亡口可啖牛孰敢當托胎之蟲小若蝗却能嚼厥腦中漿足知強弱
亦無常安得大小皆相忘

蝦蟇

睥目蟠腹者爲誰美名錦襖人所知善跳善遁行則遲聲如鼓吹鬧春時有時
金背生玉芝萬歲出角事尤奇汝子科斗文字師獨是腹內空空無物則何辭

蛇

爾蛇陰類性最毒巨者爲蟒小爲蝮南人恨之食其肉

吾粵人喜食蛇唐宋已然近則尤甚

吾謂

肉亦食不足不如驅之入川瀆永使不得登大陸海上龍蛇方競逐汝去從龍
或得鹿

蛇食鹿見水經注

大可肆志果爾腹毋爲伏處人家屋殺人亦復受人戮汝雖

毒暴殄一物非吾欲

十月七日經冀州道作

舊韓
國地

冀州道最繫人思亡國山川百不宜荒嶺童童絕樵牧何年腐臭化神奇

行立海中遇大風作

秋風秋雨整歸裝破浪雄心已漸忘似有神仙遠相送爭飛海水若爲忙

與友人論志占此示之

刑天空負舞干術填海難爲銜石勞不可雖知終不悔物猶如此况人豪
百川日夜逝潺潺物我相隨去不還惟有此心心此志可期終古在人間

東遊兩月意倦思還旣抵里門欣然有作

走馬半中國未忘浮海心神仙在何許歸思又相侵出處關天命興亡自古今
賃春吾亦得不必問山林

固鄉年伯南歸草序

竊以五言體製昉自李陵三十功名詞傳武穆歸時笳鼓席間誇競病之吟低
草牛羊軍中留敕勒之句劉越石繞指之喻曹孟德對酒之歌靡不詮寫性靈
邳張偉業 固鄉年伯天生偉質少軼奇才倚馬而七紙能成握蛇則千章立
就主持風雅勃窳文心勛名出自兜鍪起家實由科目曾佐嚴公戎幕時攀子
美談詩本負江東盛名每勸呂蒙就學墨常磨于盾鼻句已滿乎弓衣以視光
弼之好讀漢書田宏之惟通左氏殆過之焉至其詩歌吟詠陶寫性情臨水登
山懷人感物子韶蕭散每多禪悅之音元幹清新迴出塵埃之表誠齋西歸之
集正則水心之篇遠法近宗自臻精詣殆石屏所謂不學晚唐韻猶存大雅音
者歟廣照 學業未成行能無算銷磨豪氣清流抱孟博之嗟蕭寂隱居神州迸
子元之歎壯逢離亂近更沉淪春草詞荒筆花夢杳於此而欲序令狐集遠效
義山邀梁孝知竊同枚乘不亦慎乎雖然廣照 於 公不能無言也憶自光緒

季年南皮入相丹輪絡繹門多長者之車白袷清揚客盡衣冠之選 公方展
觀同客京華車馬過從詩酒酬酢黃裳末座自矜慘綠少年杜牧狂名輒共談
兵深夜此一時也辛亥亂後音問久疏甲寅留都萍蹤復聚 公談小學我愛
儷文學術異同猶是他山攻石之錯滄桑感喟同話先朝如夢之心苑枯之集
久疏犬馬之年漸長圍燈說劍聊用襄羊射覆銜盃自忘潦倒此又一時也年
前 公返我亦南旋甫浣征塵重攀情話悠然道故高宴於九老堂前遽爾分
襟祖餞于荔枝灣上 公則錦囊都貯乎佳句騶從不謁乎貴遊醞醑盈樽流
連康樂之屐干戈滿地快著祖生之鞭此又一時也羲隙交馳履綦未沫言歸
故里追憶前遊悵良會之不常冀墜歡之重拾今者臚臘歲殘尙示聲詩之選
將軍樹下竟容長揖之賓獻歲發春恆賜絢麗當與 公痛飲十日成詩百篇
或爲花埭之遊或結羅浮之約願祝終歲不聞鞀鼓之聲各有千秋共荷文章
之業民國十年歲次辛酉十二月年家子梁廣照頓首拜序

學壽堂詩集卷二

番禺徐紹楨撰

南歸草一

去鄉十五年丁巳秋東歸展謁先子墓感賦

自別松楸十五年歸來展謁淚如鉛濟施未克酬先志

楨兒時先生慈余太夫嘗攜入廟隨帶散錢

數百見乞者輒與之教楨曰此輩無所得食甚可憫也楨自是凡見乞者必以錢文與之一日與一壯者有父執過曰此人壯不自愛與之何益楨歸問先子

也先子曰汝爾時以為當與乎抑不必與而姑與之乎對曰兒以為可憫始與之

有藥肆棺店專為辦此者身後乃無儋石儲皆以施與也楨仕宦奔走數十年未嘗敢忘此心而垂老乃至無以自存追問濟人徒辜先志而已

何曾達九泉雖死不亡斯是壽楨兒時先子即教以學壽後讀老子有死唯通

與介愧難傳先子嘗以遺書差幸皆行世先子撰通介堂經說樂律考諸書均

先刊于桂林後遭兵燹失強半甲寅乙卯間乃與八兄樾十二弟槩籬校補刊之獨惜歸耕缺墓田

與弟桓談家事偶翻蘇集得除夕病中贈段屯田一首即用其韻

吾家九兄弟逝者已過半一兄兩弟存憔悴均可歎而我老且病屢爲造物翫
偶然握重兵轉瞬浮雲散六載徒奔馳身餘一劍伴流離思骨肉夜夜恆達旦
兄樾蜀中來京師同伏案兄樾宦蜀二十年辛亥夏辭巡警道職隱于川雙刊
中癸丑冬來京師相與校刊先子說文注箋
先子書硃墨苦紛亂更邀弟棨助弟棨曩官江蘇知府後隱于滬晨夕忘梳盥
瀆甲寅夏亦來京襄校書之役
書成復分離避世不容緩勿用學龍潛並進恥魚貫用東坡句東歸晤弟桓形骸更
衰懦欲隱無邱樊入世輒冰炭別弟十五年何期共孤館吾道恥富貴固不在
飽煖求仁而得仁作詩同一粲

火車中作

世間怪事無不有奔馳樹木飛田畝經界變易面積移方田成圭圓似剖長林
前後羅成行有如觀兵分列走兩旁山壁削如墻見我狂奔不敢就當面一山
迎我來瞻之在前忽焉後更有羣峯遠遠隨急起直追左復右頂上時覺雲氣
噓足下常聞雷電吼却趨山洞作蛇行闔無天日亦良久道左有人向我言倏

忽已過難啓口兒童向我齊拍掌似羨乘龍訪天后須臾忽止大地中親朋遠
道來相候共誇得有長房術相攜且飲劉伶酒醉中復憶從軍時曾乘飛艇向
天扣上窺星辰若列棋下視山邱如擲豆此行所見那足奇更寫長歌告我友

粵東雜詠

英雄事已去留得此荒臺未暇臣佗惜還爲任尉哀

朝漢臺在廣州城北固岡上趙佗降漢時所築

玉液池中石流花橋畔花興亡都閱盡未解憶劉家

均玉液池流花橋均南漢時建

南海衣冠氣靈洲山最多卽今猶鬱鬱天意定如何

靈洲山在廣州城西北晉郭璞謂南海之間有衣冠

氣者此也

我來妙高臺不見蘇夫子後世有德雲舍我其誰是

妙高臺在靈洲寶陀寺蘇東坡有詩云前世德雲今

我是依稀猶記妙高臺

無數美人魂寄託花田裏名花歲歲生美人如未死

素馨斜在廣州城西南漢葬宮人處也

千古鶴舒臺安期去不回吾今欲歸隱應有九童來

鶴舒臺在廣州城北白雲山昔安期生隱此無泉有

九童子見須
與泉即湧出

水性何廉貪斯由飲者起爾俱貪人酌安得無此恥

貪泉在南
海石門

刺史沉香浦太守墨硯洲何從得香硯未若無可投

沉香浦在廣州墨硯洲在
肇慶晉刺史吳隱之投沉

香宋肇慶守包
拯投硯之處

蘿岡萬樹梅年年生綠粵幽人來不來自開還自落

蘿岡洞
在番禺

甘泉講學地曾建四花亭可憐人去後花氣空冥冥

四花亭在西樵山烟霞洞
湛甘泉先生于此講學四

花者山石榴金鷺花白鶴花
粉蝶花皆他處所無者也

無以政殺民無以學殺世菊坡留茲銘服膺宜勿替

菊坡崔清獻家居所築有
座右銘云無以嗜欲殺身

無以資財殺子無以政殺民無以學殺
天下後世宋理宗大書菊坡二字賜之

茲臺望人家欲振無炊者為問無炊人家於何處也

望烟臺在新
安鳳凰嶺下

吾愛梅花村花開滿酒尊麻姑與玉女相對共忘言

梅花村在羅浮山口
前對麻姑玉女二峯

奇哉此山名何為取官富官富民斯貧安得不為寇

官富山在新安縣其前
大奚山宋元慶間山民為

亂提舉徐安國討
平之遂墟其地

山靈信爲用陸賈爾何顏羸將南越錦包我南越山

錦石山漢陸賈使南越經此禱告山靈趙陀降當以

錦爲報後佗稱臣以錦包山石因名錦石山云

征夫去不返怨婦情何癡自從化爲石萬劫不得移

望夫石在羚羊峽

聞說歸猿洞猿歸環亦還不持一長物乃得入仙山

歸猿洞在中宿峽

吾道貴學壽何期得壽泉須知水難恃還以學爲先

壽泉在興甯縣城東二十里

任囂創霸業盡入陸賈橐臣佗爾何心更于此長樂

長樂臺在長樂縣趙佗受漢封時所築

不見張文獻空餘風度樓何時九仙鶴更作嶺南遊

風度樓在韶州唐玄宗用

否後人因建此樓九齡生時母夢九鶴盤天而下因名焉

三門灘險絕豈有大魚來垂釣不能遠韓公亦可哀

釣魚臺在陽山縣三門灘下韓文公釣魚處君欲釣

魚須遠去大魚豈肯居沮洳亦韓詩也

不見虞美人鎗痕尙若新黃巢死千載海內又風塵

拖鎗逕在英德縣虞夫人嘗敗黃巢于此鎗痕入石

寸餘今
尙存云

相傳九曲林絕似桃源裏今已通塵寰終老何處是

九曲林在香山縣城東三十里

七里又七里自遠復自近何處有仙人雲深不可問

仙人洞在瓊山洞口一石題云遠七里近七里不遠

不近七里相傳以爲仙書云

丁巳九月二十日盛季瑩招同汪莘伯諸君市樓小酌和莘伯韻

故園久別最傷神十五年來秋復春幾輩舊交還健在平生作宦愧緣循老歸
欲入無爲海自度真慚有漏人 莘伯詩有意中了了三摩地句蓋早悟道矣余則方切飯依之應甚自愧也 難得高
秋風物好陶然共醉此閑身

越日季瑩復招飲和前韻兩首依韶答之

酒後高歌若有神白頭相對惜青春
秋深室內瓶花瘦風暖天邊紙鷁循

粵人謂風

箏曰紙鷁是日放者甚多

卅載奔馳成底事百城坐擁愧斯人

季瑩藏書甚富

歸來一語堪相慰投

老依然七尺身

回首江南一愴神，舊遊如夢九經春。

季瑩曩遊江南，舍余家九年矣。其詩中及之。

虛名畫餅吾何有。

實學傳家汝獨循。

季瑩於其家中設學校，以課子弟。

人世推排成老輩，閉門著述幾傳人。二三

知己拚同醉，留得風塵自在身。

季瑩莘伯及陳椿軒各依前韻和詩，並約為寶漢茶寮之遊，再依韻答之。

佳句連篇妙入神，吟成白雪又陽春。稱詩君合揮戈進，飲酒吾當辟位循。風氣

近來輕老輩，花箋慎勿眠時人。山寮聞道仍無恙，欲向漁樵作替身。

悶到無聊欲問神，乾坤何日始回春。前塵歷歷猶如昨，大道茫茫莫可循。滿地

江湖還有我，出山霖雨屬何人。苦吟撚斷髭多少，不為悲秋慨一身。

再用前韻答駱捷雲

早知牛斗不能神，往事真同一夢春。

君詩頗稱余往事。

八部天龍都見過，十方剎海欲

周循老來頗悟空，無相近聽方知彼有人。

顏延之飲酒叫呼不絕，一日聽鄰居張鏡談曰：彼有人焉，嗣是不復酣叫。

余與君居切近，故亦云云。

且復因君作狂詠，秋風吹瘦自由身。

再用前韻答梁集西

得識清風信穆神一尊聊醉小陽春時已交十月節天時漸覺寒將至世事真同水下

循史筆君能存正氣君方修志衰年我合作閒人吟詩更憶舊遊地何日湖山寄此

身季瑩和集西詩言及石室崧臺皆余舊游地也

再用前韻答家伯謀

頻年形役復勞神流水光陰又小春海內龍蛇方競鬪吾家麒麟尙逡循偶談
舊事增長歎獨抱遺經有幾人是日伯謀抄示其尊人巨卿先生詩草舉座讀之皆驚歎解甲歸田無個事
相從料理苦吟身

九月三十日沈寄緣李芝畦邀游六榕寺用東坡先生清虛堂韻

人世日日飽風沙偶來古寺如退衙六榕已歷塵沙劫妙香尙聞木樨花半生
作宦不稱意萬里遊遍還還家不能忘情鬻駱馬余畜一馬相隨有年今夏京師政變搶猝出都遂鬻去之
歸飛接翅羨昏鴉戰場舊夢亦已醒願從我佛觀天葩沈李二君皆健者相約

汲井煎巖茶開筵既醉餘杭酒擊板大似漁陽搗鐵禪和尚出古樂器以木架空其中排列木板條於上擊

之作金石聲數百年物也或云是虞然虞特懸鐘磬之木耳余無以定之從其質稱爲板云吾粵近年實多事羣盜如蟻難

梳爬賓伽何日著鉢底作佛未得空啫嗟階前孤塔尙無恙逕欲登此凌雲霞

又卽席口占一絕

白社聯吟願久違還從詞客叩禪扉六榕無樹東坡去且與登臨玩夕暉

又眠鐵禪和尚用日前汪莘伯市樓唱和韻

六榕寺裏一凝神未踏禪關已卅春光緒乙亥方修寺塔余偕于晦若文雲閣及家兄少白季同游此後未再到也塔

上飛鳶猶站站階前怖鴿故循循三衣消瘦堪留我七寶莊嚴且讓人獨恨六

塵未清靜可容入定證前身

謁六祖銅像

像鑄自劉宋屢經兵燹巍然獨存清光緒間大吏欲毀以鑄錢賴神顯靈得無恙云

銅像千秋永不磨我來參拜費摩挲生從無相何來此幻出諸形豈止他入世
便須經萬劫有身原不畏羣魔默然似示真般若坐看諸天花雨過

贈鐵禪和尚

禪師真個鐵頭陀伏虎降龍法力多偶學雕蟲仍狡獪象牙拔出寫詩歌

鐵禪象

牙管蘸墨作書圓轉如意秀健罕匹亦絕技也

題楊黼香先生遺稿

三世論交誼孔長遺篇開讀意難忘詞林一往無餘子諫草雖焚有異光

先生

諫有聲然稿中未嘗有奏草也曠代經師追服賈當年政事媿龔黃湖州遺愛今猶在婦孺都

知太守楊

哭江鏡河

論交卅載氣如雲噩耗傳來涕淚紛磨鏡天涯情莫已聯床嶺嶠夢猶勤

前數日忽

夢見君如在稱詩自有麒麟閣

本事見柳堂師友詩錄

仗劍曾參巖虎軍千佛亭前試回

首應聞輿頌說神君

平南縣治有千佛亭歷任縣令題名其上君撰聯云往者過來者續一例登場敢說超前逸後名可題官可紀千秋

定論遑知輿頌里碑

嚴朱二姬日夕學書作此嘲之

我聞憂患識字始汝欲學書將何求雄如項籍不竟學况屬巾幗之女流歐美
婦女爭參政紛紜卅載未能售中華舊俗論女德無才爲貴餘則不朱門貴胄
羅粉黛珍衣玉食如玉侯一丁不識復何害萬事皆命曷容謀好辭工書亦病
癩柳子之說非無由文章有神翻兒忌自古如此同一邱我昔少年未早辨墨
君磨我三十秋其後焚硯事戎馬功名乃與屠狗儔方今天下事戰鬪男兒個
個將筆投汝便臨池比崔杜學非所用徒招尤汝且休勿嗟命不猶不知不識
保天游與世無競自無憂

和陶飲酒詩二十首

余昔嗜酒後戒之數年丁巳東歸閒居無事輒復中之晨夕恆醉醉便吟詩
爲樂因取淵明飲酒詩二十首和之耳目所及輒以爲言語無詮次亦不避
重言重意苟寫余心以自娛云爾

淵明好飲酒余亦復中之晨夕對一尊醉醒無定時亦知辨清濁念念恆在茲
苟可使長醉濁亦何所疑長醉不可得自擇還自持

向晚多美景夕陽在西山況復對美酒一醉其何言日落月更明清暉自年年
舉杯邀明月此意誰能傳

大道在天壤得失由人情有生本性善自誤唯利名淵明最明達淡泊治此生
得道爾獨多觀世余輒驚不如且飲酒莫問敗與成

海底有潛龍仰天欲高飛雖復騰雲上難無失水悲何如海邊鷗水石自相依
飢來啄小魚無去亦無歸亢龍信有悔此鳥興不衰人生何去就願以決從違
仰視高樹巔上有衆鳥喧一夕狂風至不知巢已偏巢偏衆喧息羣飛向前山
前山雖可託鷹鷂時往還感此傷余心相對不能言

世事變萬端只辨一個是理得自心安誰計譽與毀比干與伯夷道在固爾爾
奇哉遯世士只欲學園綺

白蘭有美酒秋菊有落英餐英復飲酒蕭然忘世情涼風動野水朱華忽西傾
月出羣雁來露下寒蟬鳴孤懷難自遣且復尋莊生

長身一君子生有凌霄姿偶然鑿其羽栖息無高枝貫來或乘軒鬱鬱甯自奇
供人耳目玩衆鳥亦不爲安得枝上人爲爾解塵羈

昨夢叩天關天門自闔開疎疎星可摘朗朗月投懷自謂仙可得永與塵世乖
詎知一枕幻未入百靈栖我聞神仙府官事如沙泥得仙亦何益茲舉幸未諧
吾生自有初了了未嘗迷有酒但飲耳酒盡吾當回

去家十五年昨始歸海隅本自無三徑差免陷泥塗閉戶絕塵想飢來不知驅
抱膝一室內心安常有餘前塵偶回首愧煞專城居

百歲且暮耳盛衰安足道富貴逼少年邱山待衰老志士重立功奔走形枯槁
苦心世未知虛名有何好不如盧行者深夜傳法寶不滅亦不生超然凌八表
日月相催迫寒暑成四時逐景爲嘯歌放懷無愧辭盛年不可再行樂當及茲

樂亦何所寄飲酒不復疑吾愛高陽徒任真無所欺萬乘雖云貴斯人難動之
昔年擁重兵志欲平四境醉心學大同百折不能醒國體既略定解甲捨簿領
投老厭風塵亟思蹈箕穎去日雖苦多夜游燭尙炳

生子存七人學道雖未至好酒頗似我有時亦同醉一妻與三妾舉爵每不次
共言尊中樂不問世上貴諸孫方幼稚亦漸知其味

奔走三十年無田亦無宅著書數十卷被燬并無迹窮愁欲補著去日已半百
學道苦不早愧此鬚鬢白無能且飲酒長物不必惜

少日弄詞翰中年抱遺經考据既空勞講學亦無成國體隨世變治術因時更
我欲掃陳迹聚訟尙盈庭新知培未起至道瘖不鳴悠悠天地間何以表吾清
昨自海上歸蕭蕭多悲風新霜壓四野積雨漫天中秋氣乃如此吾懷殊未通
頗欲向天問何爲曲似弓

吾家偉長君淡泊不苟得方寸有樂地了然無所惑吾生獨迂拙未辨通與塞

少日志功名亦頗去鄉國及今始知懣欲學維摩默

少年爲母老亟欲求小仕偶登孝廉科遂爾不由己贛閩及江淮政事多可恥
馳驅厭戎馬無術歸田里冉冉惜流年茫茫觀世紀醉夢已覺多并欲將酒止
及讀淵明詩始知酒可恃

堯舜不可作道德久失真自從夏室後未見風俗淳龍馬不負圖禮樂何由新
况當周政墜焚書來暴秦微言與大義存者如灰塵周公撰釋詁林蒸記殷勤
仲尼歎吾已鳳鳥若爲親禮逆陳大道由茲堪問津奈何不古若使我淚沾巾
醉後發狂言願以索解人

和陶詩形贈影一首

時方照相

自我有生來與汝無離時我或脫然去汝便無所之新法有明鏡照我汝在茲
我固有我在初未與鏡期汝獨留鏡中亦非我所思汝託鏡以存思之轉漣流
有時鏡飛去生滅仍可疑不如且飲酒醉舞其勿辭

和陶詩影答形一首

自我從君來世恆笑我拙妍媸不自主舉動隨人絕留得鏡中像徒供俗子悅
本來非我相誰復爲我別百歲君歸真我欲滅不滅使此清淨身春秋受寒熱
因物原無心應世終有竭何如無像好莫從說優劣

和陶詩神釋一首

人生天地間言行粲然著孰是能主之君未知其故自從君託生我卽相依附
善惡有同情隱顯難共語君爲物欲蔽寸步無閑處使我虛靜機搖蕩不得住
君死我亦散輒復誘之數豈知古聖賢自有彌天具百歲縱委化千秋留永譽
我便託之存或從天上去君志苟堅定萬劫亦不懼殊途而同歸何思復何慮
辛亥十月攻南京百計不下余以爲非先奪取紫金山上之天寶城不可

因分三路登山惡戰兩晝一夜而定戊午冬忽夢其事感而賦此

雄師三路奪山城惡戰連番夢亦驚飛砲每從頭上過疎星遙向眼中明二分

垂足揮戈上百尺懸崖倚樹行自是當時拚九死卽今何以慰羣生

歸隱

患難久未死衰慵百不宜有兒共歸隱無客獨吟詩寒暑衣更典悲歡酒未離
知希吾便貴何必建牙磨

自訟

萬事不安排胡安定先生嘗教吾家節孝先生莫安排依然到處乖念年戎馬誤方寸毒龍埋佛家言人

心如深潭之曲有毒龍伏焉喻人欲也五十過猶集千秋志未諧何當一室坐繡佛對長齋

江樓聽吳姬歌

十載江南客思多歸來忽復聽吳歌銅琶鐵板渾如昨一樣滔滔且奈何

東歸見弟姪親戚大都貧不能自存賦此解之

卅載奔馳剩故吾幸能歸隱更何圖不求溫飽原初志難得親朋共一趨母老
尙辭陶範米謂弟紹桓有本事家貧難讀趙奢書吾諸子流寓上海特賣書易米姪薰等在粵無所得食亦盡拈書籍賣矣

途窮何損英雄氣降得天魔始丈夫

黎季裴投以歲暮見懷詞一闕作此答之

十二年來恨事多余別季裴十二年矣驚看今歲又蹉跎久聞憂國成高臥豈意懷人見

短歌三白癡心猶想望千紅到眼復如何任教世變同雲狗相約東山共醉醅

丁巳除夕招同吳蓮伯諸君小酌和田子琴韻

自笑平生爲底忙歸來贏得鬢蒼蒼百年能有幾除夕七客可無數舉觴楊鐵崖有

七客寮是日蓮伯子琴兩君外並有林志超丁六皆楮慧生劉禹生謝惠生諸君適符七客之目老我殊慚羅給事羅隱有祭
皇若問人間事爲君才合駕駱賓王貧家粗糲無何肉菜把將來傲李羊窳詩云玉
報文章不值錢

次韻奉答丁六皆感懷之作

滾滾星球晝夜忙釀成殺氣莽蒼蒼瘡痍滿地飛塵墨歌詠何心樂羽觴四大未空人我相三販誰授鬼神王仙城景物今非昨莫問當年五色羊

八兄季同少與于晦若對奕每奕後輒各抵書論其得失去歲東歸偶得

晦若與吾兄書言昨局殊草草某子宜着某路某子宜着某路則必勝
云今四十年矣感而賦此

吾性厭紛爭博奕非所好偶觀旁人奕祇覺增煩惱吾兄却嗜之謂可歛懷抱
納神此方寸庶免驚八表

八兄嘗言吾人此心日馳八表之外惟
弈時可收諸方寸之地亦養心之道云

相對忘晚早君固治世才圖大先鑑小茲事雖游戲放手敢潦草苦心明得失
沈思費顛倒深防一子誤坐使全局擾於今四十年奕了心未了世事正如奕
變化不可考前棋難再覆是非誰共曉一局縱云勝再局可能保不如無以爲
自然歸大道吾友已云亡吾兄亦衰老偶爾得遺書感此百端繞

閑居

閑居多歲月睡與醉平分憶夢還依枕停杯便讀墳孤舟常釣月高閣獨看雲
自謂太平老渺無時事聞

丁巳守歲漫賦

去日真同赴壑蛇，癡心恆欲歲華賒。
堂堂千載誰留得，碌碌羣生未有涯。
白晝消愁聊鬪雀，深宵作賦只塗鴉。
回頭五十六年事物我，無成不可加。

學壽堂詩集卷四

番禺徐紹楨撰

南歸草二

劉茶生欲遣其子從游詩以謝之

學佛求仙總未成，雕龍屠狗亦虛名。已多師友平生負，豈有文章海內驚。如我自觀知不足，更誰問道肯從盲。君家騏驥非凡品，莫效人間老馬鳴。

次韻劉茶生見贈之作

我昔江南唱浪淘，銅琶鐵板醉芳醪。一時意氣同雲上，垂老風懷似霧縈。何幸論交得羣紀，早欽文學駕劉曹。難忘結習還酬唱，勿向春風惜鬢毛。

戲題天女散花圖

年來多病似維摩，室內驚看天女過。散得圖中花滿地，不曾著我奈之何。

瑞香花

此花生佛地相別已多年質弱色逾淡香多骨亦妍祇疑散天女高詠託蘇仙
獨恨含風殿汗君恥莫湔桑喬廬山紀事瑞香生廬山中南唐中主愛之移植于含風殿名曰紫蓬菜

平時日三飯近停卯食遂學睡日高始起以就午餐爲詩紀之

近日家貧卯食蠲朝朝擁被學高眠始知一飽非容易轉念羣生爲涕漣一著
萬錢原有命三旬九食亦非偏人生飲啄關前定福薄吾安敢怨天

近習睡一朝驚覺若惶然有所思者爰賦此詩

四十餘年起五更

先君在日恆子後就寢五更即起余年十六侍側必後時寢先時起習以爲常奉諱後間有早睡而起必五更也今

朝高臥醒猶驚自知衰病精神短却憶兒時涕泗橫敢擬蘧蘧入仙境不妨夢
夢寄浮生只愁一事貽人笑老至香衿負不成

食粥

我望天公本不奢瓮蠶三百足生涯八鷓偶擁原非分一鶴相隨敢自誇歲樂

尙聞多餓殍道窮還要戰紛華老妻稚子羣相問食粥延年語信耶

張文潛有食粥詩云

食粥可
以延年

往余統制第九鎮常赴仙鶴麒麟門之間演習一歲大雪未攜禦寒具而
士氣倍壯昨忽夢其事并賦一詩醒後僅記雪花一句萬慕一聯因續
成之

仙鶴麒麟習野操雪花如豆打征袍壺漿道左歡迎慣鞞鼓軍中殺氣豪萬慕
寒生風峭峭中宵人靜月高高十年教戰今何在回首真同一夢勞

觀友博奕戲贈

博奕從來似世情何須得失太分明誰能學得橘中叟九斛玉塵輸與卿
哭何葆之

人生難得百年期君逾七十古所稀精神自足貫千古形骸何貴存一時憶昔
鴛江入君幕時方大水沒城郭千帆運糶賑飢寒萬民幸免填溝壑從茲負累
重如山嶺嶠奔馳未或閑投老惟餘一身健長貧贏得路人潛

君始守梧州多
善政值水患運

穀米平糶因負巨逋後歷太平龍州府道皆貧不能支民到於今思之

自我別君三十載相逢都覺容顏改早知

廉吏不可爲却抱冰心終未悔我昔論富禍水同多財適足戕厥躬

余昔著論謂貴不可

爲福若富則直禍水耳生平所見富人以身殉財者多矣去歲東歸見君貧甚以此語之相與大笑

仁者散財信有道善人是富

說難通君今撒手歸天上縱有黃金難帶往何如兩袖清風清永播清名在天

壤

戊午夏日遊荔枝灣避暑晚登適安亭小飲

老病生憎熱氣蒸荔枝灣畔一舟停花田雨過香如夢海國風來醉欲醒十里紅雲迷落日四圍綠水映疏星萬方多難吾安適把盞眞慚對此亭

遊荔枝灣示吳子翔

嶺南五月南風過半塘荔枝赤如火投老歸來拾墜歡十八王娘

荔枝名

頻笑我

少年久受魚蟲累壯歲幾遭馬甲裏剩得華顛不自惜還向江邊學游惰昔旣繫匏嗟不食今無立錫安得坐雖然列肆盡酒家杖頭空空沽向那路鬼相視

方擲揄老友多情來道左爲言避亂自韶關兵燹流離殊未妥相攜共擘肌紅

輕黃庭堅詩快剝
千顆輕紅肌

既醉猶談甲金鎖我友文章信有神對酒高歌忘坎坷一灣

綠水劇怡情十里紅雲尤媿媿相期招隱在此中未知比較文川武鄉廉泉讓
水誰則可

遊荔枝灣會蔡少黃丁六皆顧公恪諸君相繼來相與飲酒賦詩少黃填

如此江山詞一闋口占四絕答之

如此江山昔未知

荔枝灣三十年前曾一到荒煙蔓草而今來一舸載鷗夷何已今則茶寮酒樓遊人如織非昔比矣

今來一舸載鷗夷何

期有客同懷抱相與開尊賭賦詩

衣香人影劇連翩如此江山亦可憐好待夜深人靜後相隨明月過前川
坐看紅雲繞竹樓風來水面似涼秋江山如此容歌嘯不羨人間萬戶侯
霸業唯餘扶荔多客來懷古復悲歌當筵不盡興亡感如此江山奈汝何

戊午生日游華林寺感賦

百歲三萬六千日吾生過半又七年幼小嬉遊已堪惜睡夢平分尤可憐少時

頗受刑名累

余年十九卽入郡縣幕治刑名自是殆無甯日

壯歲更爲戎馬纏雕龍屠狗虛名耳劍炊

矛浙危機牽學道計日難三一羣魔入室紛萬千差幸持志本庭訓喜怒哀樂

不自便

少時先子教以孟子志爲氣帥之義五十年處喜怒哀樂皆以志持之必使志能勝之而不爲氣所用也

富貴逼人却放我

老病思歸欲學禪早知西來有初地

華林寺街道之前有榜曰西來初地

無奈東土多俗緣今朝

入寺拜我佛靈山一會尙儼然安得稽首尊兩足從茲說法聽諸天

戊午生日段復生諸君招飲于荔枝灣有詩相祝卽次復生原韻

老至空餘一劍橫南箕北斗盡虛名已知五十餘年錯誰遣三千世界生學道

剗心知不及揀時無術總難行憑君莫問千秋業結習消除意氣平

難得風流諸故人相攜一觴醉江濱閒愁盡付乾坤外笑語都忘風雨辰信有

江湖歸白髮苦無丹藥駐青春抽毫欲得酬佳句才盡尤慚景物新

與鐘俊德談佛學偶作

少常射獵思擒虎老欲安禪學制龍六鑿從知皆物累三摩何處得師蹤廬陵
米價休相問優鉢花時恨未逢行化有期君且待好爲南北一其宗五祖傳六
祖法寶袈
婆語之曰且當遠隱俟時行化又六祖見五祖時五祖曰嶺南人無佛性六祖
曰人卽有南北佛性豈然均見指月錄其後佛教分南能北秀二宗知非祖意
也

閉門

閉門終日少朋來與古爲徒一卷開無事始知此身貴有時還爲衆生哀朝餐
芋糝將羊抵夜臥籐床待蝶回獨恨妻孥難脫屣欲尋初地尙徘徊

僻處

僻處知聞絕幽居寵辱無攤書尋夢寐飲酒學糊塗歲月堂堂去江河袞袞趨
行年垂六十只覺一須臾

腐儒

廿年戎馬負居諸投老依然一腐儒舊稿盡焚難記憶新詩偶賦愧鶉疏千秋

師友開篇見數歲兒孫識字初
麤糲餐餘眠竹榻醒來還看枕中書

自遣

五十年來學益迂都忘得喪與榮枯
有財可散猶多事無地能容轉少虞
老至始知名亦累心安眞覺夢都殊
一錢不值焉非福論值須妨賣故吾

答友

友來書以余貧甚引仁者散財得民之說相慰賦此答之

萬金家散盡未信卽能仁
世且憂亡國吾何患有身
得閑時便樂不餓死非貧
久矣忘尤怨多君慰藉頻

此翁

羣生盡在百憂中獨樂眞堪笑
此翁今夕不爲明日計

放翁句

萬緣儘教一時空

神仙可做嫌多事哲學難明亦懶攻
醉便如癡醒似夢狂歌痛哭匪由衷

愁霖大水中獨坐樓頭有感

淩月霏霖未放晴郊原到處有船行
愁看北斗七星暗難見南風五兩輕

時淩月東

北風南
風獨少
跋扈魚龍嫌
海窄驚飛鳥
鳥畏巢傾欲回天地
羌無術危坐樓頭聽水聲

越日風雨更大水入室矣又占此律

千家山郭雲迷日
六月光陰冷似秋
滿地江湖成泛宅
漫天風雨欲移樓
室中魚鱉登高榻
野外桑麻閣小舟
我亦蒼生空太息
恨無強弩射潮頭

丁巳九月歸里次年七月復有上海之行臨別示十五妹十三弟

久客歸家席未安
又移棲息不知難
可憐去歲中秋月
仍向天涯海角看
山木凋零蟲語急
天星搖動雁聲寒

漢書元光中天星盡搖候星者曰民勞也

衰年弟妹尤堪念
忍說將

離把淚彈

十二弟生日余適將東歸以詩壽之

昨者聞君舉總統
醒來始知是一夢
重以平生愛弟心
却忘造物將人哄
吾弟文章邁等倫
自有盛業光千春
倘來富貴要何用
任教牛斗不能神
我生長君

甫八歲命薄輸君何可計我方奔走歎流離君乃安居享福慧從來福慧自前修亦須積素爲後適君曾守郡多善政我愧治軍無大猷昨自故鄉來此處明日還歸故鄉去大千起滅無暇觀惟有詩歌渾漫與作詩爲弟祝期頤有錢無錢均不知共信精神能永固不愁手足聚無時

八月晦由上海歸里范梅君以詩贈行次韻答之

射虎雕龍誤壯年未嘗學道味中邊欲調醉象經難呪屢鬪潛牛角不堅老我歸耕嗟已晚如君飛騎信無前青天碧海平生事獨恨時無明月懸

荔枝灣當盛夏時士女如雲茶樓酒肆極一時之盛余所居頗近之常往游賞有所謂扶荔汀適安亭者尤數登焉七月間以事赴上海逾月歸來則已闕其無人唯荒煙蔓草而已雨中過此感賦一律

西風瑟瑟雨冥冥笠屐閑尋扶荔汀人影衣香何處去水聲蟲語不堪聽到來頗悟色空理歸去還持般若經明歲紅雲再開宴可能重見適安亭

吳子翔用東坡除夕病中詩韻見寄一詩次韻答之

生年不滿百睡夢耗其半誰無憂世心每多感物歎不哀便當樂復蔽耳目玩金丹煉未成華髮已蕭散日短道路長孤行更誰伴君昔從我游養氣勵平旦勤劬股刺錐歡悅頭沒案一別廿餘年世事紛變亂任教塵滿身唯以道自盥昨歸得相見共訝衣帶緩登樓君有賦纏腰我無貫磨折慚舊剛斂退就新懦

用韓句

君爲飢所馱踐冰復履炭昨日有書來艱危坐孤館答此爲招隱共尋桑

榆暖寧采西山薇勿歌白石粲

九月十六夜與嚴朱二姬看月戲作

今年中秋明月在上海勸月同歸月不待今夕在此復見之間月回家曾幾時月言回家有何好似爾窮愁真自討他人富貴始還鄉金釵碧玉羅成行爾獨閉戶著書無長物得不令人笑吃吃不如從我青天碧海中披雲觸霧乘長風二姬聞言起相向勸我勿聽嫦娥誑宵宵圓缺不自由嫦娥早悔靈藥偷卽今

已非昨日比嫦娥恐不自知耳人生榮辱安足論精神要使能長存死而不亡
斯是壽君看古來王侯將相復何有且邀明月共飲三百杯月爾無疑夜夜來
但使清輝常不改我願從君上天入海亦無悔

劉裁甫參議見示秋日南園之作次韻奉和

風雅南園久沈寂夫君吟詠獨新清漫將泣鬼驚神筆寫盡傷今弔古情救國
何人能護法憂時吾欲罷談兵秋來懷抱縱橫甚風急天高萬木鳴

次韻和劉裁甫贈詩

近讀心經五蘊空從知六鑿更無功忽吟佳句移情久回首當年結習同今古
茫茫歌哭耳乾坤莽莽醉醒中羣生苦厄須超度安得容君學伏龍

劉俊廷招飲河上次譚友召韻

我疑上阪難馭人追乘流可放箴頗信蒼黎終有託只談風月亦良佳英雄
淘盡餘流水兒女情多誤壯懷且與君拚一醉明朝酒醒再清齋

友召再用前韻贈詩次韻答之

世亂宜披忍辱鎧

善薩藏經云我當披忍辱鎧以堅固力摧忿恚軍

時奔若擻急流簿已驚樂事年年

減難得詩情日日佳薦十何曾起東野

昌黎作薦士詩舉孟東野實未重用論者惜之君詩以鄙人昔年曾爲作薦書

故以此

語答之避人久欲學無懷君如顧我煙波際

時余居河之南龍溪三約君詩言來相訪夜話還應續

冷齋

宋僧惠洪著有冷齋夜話

夢游江南鍾山射獵忽復趨瓜州時眷屬咸在舟中旋爲鐘聲驚覺

大江南北昔曾游五十功名未白頭較獵鍾山常待虎寄拏瓜步欲盟鷗

往余卸任

江北提督卽移家揚州求解職未得

於今陳迹無人說豈有閑心與夢謀遠寺鐘聲忽驚覺似嗔

癡念未全休

十月初四日熱甚如酷暑明日立冬矣

不知何處覓秋風盡日蓬門似火籠便靨雪冰心尙熱未嘗富貴面偏紅蘊生
白鳥扇無力焙出金身浴有功天道向來窮則變明朝頭腦定須烘

往夢天寶城之戰已爲詩紀之戊午十月十二夜復夢之頗以爲厭因再

作此詩以當道場懺法云

憶昔金陵指鐵戈鐘山殺氣鬱嵯峨三升曾嘔心頭血

辛亥十月八日余攻南京未下忽得鄂電武昌

失守更聞津浦路北段一星期可成默計武漢清軍乘勝東下北方之兵沿鐵路而南我將四面受敵是夕籌所以急取南京之策遂嘔血盈數碗爰決計分三路登鍾山 五夜頻傳勅勒歌往事卽今成幻境此中何自起微波吾生自有

奪天寶城 空如性勿再貽譏春夢婆

詩酒

知也無涯生有涯衰年眞覺費安排勳名已付老婦笑風雨難縈退士懷漸減
詩才神若助不勝酒力夢同捱近來結習除將盡無酒無詩似更佳

幽居不出適有老友精子平者來言余行戊運值三奇當大得意口占謝
之

平生學道有眞師第一功夫在忍飢我意從來輕萬乘子平猶自說三奇禮詩

發冢誠何事貧賤移人最可悲琴鶴楊枝同駱馬一無足惜復何思

貧病歌

半飽半飢貧况味畏寒畏熱病精神貧難得藥奈何病病不能餐似爲貧見乞
當知貧勝我求生寧止病中人近來悟得三時理貧病何傷自在身

簡鐵禪和尚

塵勞八萬四千門顛倒羣生曷可言解脫誰爲超六趣皈依何不奉三尊天魔

久矣先成佛

用放翁句

孤獨於今未有園我欲因君求法水洒將大樹使華繁

華嚴經謂

大樹根爲衆生諸佛菩薩爲華果以大悲水饒益衆生則能成就諸菩薩智慧華果云云

自訟

米盡囊空且勿瞋天公困我豈無因不求却病緣防欲

寶王三昧論云一念不求無病身無病則貪欲

易生未信能仁敢怨貧詩夢難除心未定醉言多謬量非眞四緣假合終歸幻何

日方成自性身

贈乞士

乞食堪爲學佛初，願從瓶鉢覓眞如。人生富貴原非福，勿向墻間羨祭餘。

行飯

餓常貪睡飽常行，安得長閒過此生。消受無多原易足，優游自得信殊榮。偶逢詞客談詩趣，每訪禪僧問佛名。日暮歸來還倦臥，飢腸任作幾回鳴。

負負歌戲作

負負多慚我茫茫，少退身書空誰咄咄。得意亦人人學道垂垂老，傳經世世貧蒼蒼。雖夢夢吾意自申申。

歸臥

歸臥滄江脫駭機，消除愛使學無爲。因懲貪念忘垂釣，早厭紛爭罷著棋。心未竟安難止夢，口猶留業在吟詩。更餘一事眞堪笑，典盡衣裳酒不離。

自遣

水樣年華去不還，驚看雙鬢已斑斑。
願從詩稿存真面，話到勳名只汗顏。
儘有閒情樂簞食，更無餘夢到刀環。
老能寡欲貧何患，所患沈淪苦海間。

慈悲道場
懺法云愛

使所纏瞋恚所縛墮在愚網經
歷三界備涉六道沈淪苦海

遺興

移家近傍白鵝潭，海色天容日夕探。
正使有錢難有暇，未能無病却無貪。
買魚自喚攜籃女，射鴨閒觀挾彈男。
日暮河梁還佇立，風帆來往不須參。

周夫人重聽作此慰之

從來五蘊最難空，耳識先除亦一功。
避世正宜絕聞見，治家何幸得癡聾。
便知蟻鬪終爲病，不受雷驚足自雄。
我願六根都淨了，好聆寶樹著微風。

閒居偶作

紛紛世事孰能料，惘惘前塵不可論。
有錢未忍禍撲滿，無酒聊復對虛尊。
食分乞士知難飽，書答家人常畏煩。

眷屬半留滬
上未能盡歸

近來頗悟無生理，日對楞嚴懶出

門

和馮伯樾納姬詩原韻二首

羸女吹簫憶往年，幾回惆悵對遺鈿。更看雛鳳聞聲至，合是神仙有宿緣。君夫

賢德嘗爲君納一姬，既亡矣，今又爲納一姬。君詩有悼及前姬語，故及之。

香車七寶載將來，碧玉回身笑口開。聞道閨房多韻事，白蓮吟罷又黃梅。君新

六月至荷花方盛開，今隆冬臘梅花矣。

冬夜風雨不寐得任字一首

老至眞成百病侵，擁衿高臥屋廬深。渡江風雨驚詩夢，近寺鐘魚啓道心。默誦楞嚴西向笑，起看斗柄北方沈。來朝八表昏如故，欲涉泥塗力不任。

六榕寺梅花今年開三度，鐵禪和尚招共賞之爲賦此詩

今年花事太匆忙，十月曾傳嶺上芳。乍見渾疑前度幻，重來合是返魂香。東坡詩返
魂香到嶺頭梅兩開無用傷叢菊，三宿何殊寄空仄讀。桑信有摩訶迦葉相應教，萬朵散

禪房

族人某年七十矣自以爲無用不欲世知其名余一日與談莊子甚樂因就所談者口占七絕紀之得十二首

鵬飛萬里負青天巧婦

鷓鴣名

深林亦自便同是逍遙成比例適其所適各陶然

澁統何辜不龜藥浮江等棄五石瓠蓋世功名同一笑孰能爲有孰爲無
大浸稽天而不溺旱流金石莫能焦孰爲陶鑄堯舜者姑射神人已寂寥
終身役役功何有爾矣疲哉未識歸不廢江河誠萬古幾人留得姓名微
粗梨橘柚誠文木櫟社商之亦異材無道聖生自天意人間世事豈勝哀
天下知求所不知亂機四伏豈能治聖人不死性非性喘奕肖翹且失之
服周之冕郁乎文授與猿狙必駭奔西子病心曠亦美時宜人異可同論
已陳芻狗棄如遺復取祠神欺又欺得相遺精實非道况乎相亦失毛皮
知恬交養性原馴去性從心始鴻讀純滅質博文民益亂道難興世隱存身

有機事者有機心力寡功多亦不任今日已成機世界漢陰何處問知音
遊乎赤水失玄珠南望歸還意本殊象罔如何爲索得應知能得亦能無

人知華祝有三多却忘人間三患何三患水火風也與物皆昌自無辱封人原不妄依

阿

學壽堂詩集卷五

番禺徐紹楨撰

南歸草二

己未元旦

十三太保到迎年

除夕與諸友鬪雀爲戲余適得所謂十三太保者

寒舍今朝喜色闐本以休官爲社

福但祈得酒卽神仙有癡不賣人斯貴無願能如我便全莫向屠蘇悲老大貧

猶強健是天隣

白樂天詩老自退閑非世棄貧蒙強健是天憐

哭莊心嘉

憶昔光緒中君作揭陽令千里遠招余虛名慚重聘斯邑居海濱舊名鄒魯稱
近年頗好訟爭鬪習成性訟師逞詞鋒官吏失明鏡君日坐堂皇遇事輒親聽
片言以折之羣獄皆立定有時抒翰藻判牘萬言輕有時教孝弟聞者雙淚迸
君聽訟日坐堂皇錄供而立判之訟師書役不能舞弊初到時收呈詞日數百
宗後幾至無訟嘗有爭婚姻者君就案判之駢四驪六文逾萬言傳誦一時又

有爭墳山爭產業者君以孝弟之道教之咸泣而去有神君之目云三月而大治四野漸無競邑士故多才科舉却如暝自君下車後弦歌滿邑竟賢書大有人禮闈戰皆勝君固名父子風儀誇玉瑩經史與詞章過目成誦詠當官謇諤多立身狂狷并平生好飲酒清濁中賢聖無事對一尊不醉亦不醒余愛高陽徒與君聲氣應時時共長飲心心實相證君屢移繁劇余亦事鞍鐙遠道苦分離久別難合併國體亦既定余乃解兵柄方期見鳳鳥豈意生梟獍共和成虛名盜賊益強橫何處安樂土可參清淨乘君來黃浦游未減陶潛興哲人尙休官志士悲擊磬痛飲心愈痛病世已亦病前路覺茫茫憂心恆怏怏閉戶寡歡娛謝客絕送迎從茲竟不起蒼蒼何悽悽論交三十載相見不能更中宵起一慟涕淚如綿亘知君多隱德後嗣必熾盛君死如不亡請述金玉行

哭盛季瑩

前年我東歸相見各驚老市樓秋正深痛飲說懷抱君言昔役名抽身苦未早

頻歲戰紛華晚來乃學道藏書有百城觀物無一好閉門課子弟亦自忘潦倒
心廣體愈胖神全氣尤浩舊習如前死新知若再造志大年亦大百歲謂可保
豈意我來蘇君遽歸瓊島更憶十年前爲君三徑掃聯吟鬪尖叉較獵走叢葆
前塵猶歷歷去日徒草草墜歡不可拾何以解煩惱知君死不亡神靈在蒼昊
形骸非所貴自性斯爲寶昨宵曾夢君醒來日杲杲人天不可接淒涼吟此稿
汪熙伯贈長古次韻和之

我昔逢君方易代君才謂可駕宇內大同之世無隱賢汝使民仁吾物愛豈知
積重殊難返小人道長君子退八九年來多戰爭方邑競誇渾脫隊有人到處
說縱橫不識存亡強扶戴不識存亡強相扶戴見顏氏家訓嗟予老欲學無爲一編惟與古人
對君乃顧我發雄談直覺風雷生警欵座中贈我長歌行詞華富博駭羣睽擲
地堪成金石聲感人應作韋弦佩文章如此信有神壓倒何止數十輩方今天
下已厭兵將化干戈飾盤敦君出所學以匡時正如大樹得沾漑

贈朱仲甫

君守端州善政多我從幕府載賡歌幾時笠澤成飛遞卅載崧臺有夢過

戊子歲君

守肇慶邀予入幕別後卅年未
知君踪跡今始見年垂八十矣

投老尙餘此身健開尊何惜醉顏酡明朝更約

乘槎去一探堯夫安樂窩

己未冬由上海移家蘇州

早知富貴有危機

用東坡句

奈我無家未得歸便返珠江何異客漫游吳市祇增欷

倏然來往忘終始化在鑪錘或庶幾涉海負山都勿問且從深穴看高飛

姑蘇雜詠

移家海上八春秋雖憶姑蘇未一遊今日白公隄上過寒風素雪祇颼颼

記得寒山夜半鐘驚人短夢意憧憧願君擊向深潭曲爲我安禪制毒龍

滄浪亭子昔曾遊水木陰森景最幽五三九賢洵有道道人何貴姓名留

滄浪亭有

五百名賢祠後又續
增至五百三十九人

城市蕭條共歎然要知衰盛繼由天盛時豈及衰時好人禍天災獨保全始蘇前

清省會之地咸豐間被兵後已不能如往日繁盛辛亥改革以泰城市日益蕭條都人士或以爲不幸余告之曰改革八年無擁兵於是者人民安全是衰之福也若太盛則必有奇禍矣不可不知之

江山風景無今古花木園林有廢興終是虎邱多佛力畫樓香海又新增城內園林

大都廢而不興者多惟虎邱則上年又新建樓閣遍植梅花花時至此如入香海至足樂也

公倩弟來蘇省予偕遊虎邱

兄弟閑來訪虎邱生公不見使人愁相攜且坐千人石更向何山問點求

有持無名氏朱陳村嫁娶圖求售者爲題兩絕而歸之卽用東坡韻

我亦朱陳舊使君昔年按部未臨村人問今世成何世獨恨披圖未得門
女汲男樵樂自俞不知富貴一無圖倘教招我同歸隱何異逃秦博士盧

庚申正月九日晨起出閨門入胥門又赴玄妙觀旁晚方歸過幽蘭橋右
足誤觸石級痛不可忍竟成半身不遂醫四十餘日而愈右足不良于

行矣占此紀之

一往無前原易失不圖緩步亦遭傾自知福慧難兼備法華經稽首兩足尊註云謂慧足福足也未

信虞夔得一成皇甫辭徵稱脚病卻卿出使以跛鳴吾身所貴誠非此性外形

骸曷重輕

遊西園寺登羅漢堂

參佛頻登羅漢堂莊嚴五百放祥光人間衣住今猶足寺毀于咸豐間有某和尚募化重建之先立土

像乃又募善信各認裝金身今未裝者僅百之一二耳惟供養則不復如往昔之盛名世年期孰可當流俗相傳初次登

而此揆次數去至其年歲相當者過去生中疑集蝠恩讐明了便忘狠吾鄉亦

有諸尊者近日蕭條不可方吾粵華林寺亦有五百羅漢塑數百年矣余戊午年往觀之塵沙滿身黯然無色無此地之璀璨莊

也嚴

六十自訟

歲月無端六十臨便能宿肉復何心道如擊鼓求亡子學似披沙揀碎金一日

儘容行坐臥何時方脫去來今亦知後起良難已莊子不得已而後起欲向華胥託足音

列子黃帝夢遊于華胥氏之國其國無帥長其民無嗜欲不知樂生不知惡死不知親已不知疏物不知背逆不知向順都無所愛惜無所畏忌既寤怡然自得又二十八年天下大治幾若華胥氏之國

治幾若華胥氏之國

辛酉元旦

今春花甲數從頭六十年來日夜憂要似經商積銖寸須知學壽有箕裘先君教余

學壽余三十後教門人弟子亦以學壽為主以為天之生人無論何等必以花甲六十之年自忠孝節烈有故而死者之外當思自保其天年不可自暴

自棄尤不可自戕臂之經商花甲吾之資本也花甲後所得者吾之贏餘也商而失其資本何以為人余自為此說則日夜憂懼懼吾之言不能得踐尤不

可為子平頗訝倒戈刃子平家有陽刃倒戈定作無頭之鬼老我唯行順水舟人也

自有三天原足倚余少年嘗自號三天後以說文訓天為顛又自號三顛子或問曰何謂三天也余告之曰一為命之天書云我生不有命

在天是也二為德之天論語云天生德于予桓魋其于予何是也三為際遇之天孟子云吾之不遇魯侯天也是也數十年來自以為有此三天可倚頗覺無

入而不得也風塵瀕洞使人愁

十二月十五日梁長明招飲于華林寺九老堂作

富貴神仙兩失之

李白詩富貴與神仙踐踏成兩失

欲從我佛學無為詩書禮樂憂難革

孔子告顏

回曰吾始知詩書禮樂無救于治亂而未知所以

得失存亡識未遺

列子宋陽里華子病

忘魯有儒生自媒能治之華子既悟迺大怒曰矧吾忘也蕩蕩然不覺

天地之

有無今頓識既往數十年存亡得失哀樂好惡擾擾萬緒起矣吾恐將來之存

亡得失哀樂好惡之亂吾心

九老舊聞曾結社三年前事亦堪思

如此也須臾之忘其可得乎

陶然共醉聊歸去更約春時一舉卮

同座有再飲之約

壬戌十二月十一日由滬乘車北上過南京太平門嚴姬遙指鍾山一方

問曰此非吾家藏書樓乎往日車行嘗見之今不可得見矣為感歎久

之占此為解

車行忽過太平門遙指鍾山認舊園八代興衰已如此

王漁洋鷄鳴寺眺後湖詩八代感何殊自註八

代謂吳晉宋齊梁陳南唐及弘光南渡也

百城灰燼豈堪言

余往于後湖湖神廟之左購地五十餘畝建藏書樓所藏不下二十餘萬冊辛

亥起義盡為張勳所焚

鷄籠十廟煙都渺鳳翥三山迹久悟性外形骸非我貴况於身外

論亡存

十二月十八日由南京旋滬又作廣州之行與內子夜話

行止殊難定饑寒未忍談兩兒猶滯北

承燧承穎
尙留天津

一老又旋南羣盜知何似斯

民大可憐天涯成故里

內子久留滬上余南
北之役皆未偕行也

家事要君擔

癸亥三月三十日諸君集榕蔭園合作留春圖一幀以贈予作者高劍父

木筆花陳樹人紫牡丹李鳳廷水仙李叔瓊蘭花李耀屏緋桃吳吟秋

百合高奇峯垂絲海棠宋順之月季余輒就所繪爲詩紀之

三月正當三十日羣公高會忽色失共言春去可無留乃作美術矜奇筆劍父

使筆如使劍削成木筆光爛爛排空一枝如雪山遮護羣芳影亦豔

劍父所畫
木筆一樹

排空而出羣芳皆在
其下似受其保衛然

高陳師法本一家請看人間第一花却嫌富貴發紅面

蘇詩誰使一朝
富貴面發紅

漫把濃紫鬪朝霞鳳廷才調清如水獨愛水中一仙子不是人

間富貴妝

李東陽詠
水仙詩句

高陳嗜好原同耳別有猗猗王者香不以無人而不芳叔

瓊收入畫圖裏使我相對意茫茫花光灼灼者麗姝對汝能消恨也無耀屏寫

此有深意欲使攜向桃源趨桃源無路且酌醅夜深香散疑天女云是吟秋畫
裏來欲覓玉環亦無處錦繡堆中花睡時高君折得意如癡不藏金屋翻持贈
畫裏相逢我欲疑相逢更有顏色好一年月月開花早順之謂此可留春却是
春歸仍草草吁嗟乎九十風光本不多千紅萬紫奈春何唯有留春人意重繪
得花枝永不磨

又題五古一首

我意嘗呪花勿向春風開花開復自落春去亦不回春回尙有時花難再上枝
何如不開好無盛亦無衰多情八君子苦苦留春駐留春先留花深心託豪素
留花留其魂留春留其痕此圖種此因萬劫當猶存

浣花日鐵禪和尚及陳樹人李芝畦李叔瓊高劍父諸君招飲六榕寺卽
事口占

多病衰年欲入棺法師甘露却同餐

徐陵長干寺衆食碑法師嘗願以智
慧火燒煩惱薪皆施衆生同餐甘露既參

我佛宜尊足願學文成不諱肝死裏求生棋劫妙苦中行樂酒杯寬遨遊正及

浣花日

蘇詩遨頭要及浣花前自注成都太守自三月二日出遊謂之遨頭至四月十九日浣花日止更乞諸君妙畫看

陳奉嗜有詩贈樹人余在六榕席上亦用其韻贈之並示諸君

人言美術推三絕

樹人少日學畫于居古泉先生又能詩工書世有三絕之目

我羨奇能備五才勇智仁信忠爲五才

見六

今日佛前聊共過一爐且炷白檀灰

自有仙才自不知乾乾而惕只因時

易居上位而不驕在下位而不憂故乾乾因其時而惕

廿年瀛海都

遊遍滿地江湖有所思

四十年前登此塔老來回首不勝情看君更上最高級霖雨施將惠衆生

是日適雨

儒林文苑兼循吏一入禪關道更多願與諸君拚一醉便無歸也復摩何

是日諸君又合作花卉見贈高劍父仍繪木筆居秋海海棠陳樹人梨花

高奇峯杜鵑卽用昨題留春圖韻戲題此詩既成始知視前作少兩韻

亦可笑也

遨頭正及浣花日錦繡傾城堪笑失

陸游老學庵筆記四月十九日成都謂之浣花遨頭傾城皆出錦繡夾道自開歲宴

遊至是而止故盛于他時

不買鮮花却畫花諸君原有寫生筆寫生發起推老劍揮毫頓覺

生光爛仍是前番木筆花枝幹如鐵花則豔秋海爲予說石家欲將金屋貯嬌

花何妨海內功名士

王覺民飲海棠花下詩云何妨海內功名士共賞人間富貴花

賞此神仙半縷霞靜夜沉

沉月如水蛾眉淡掃嗟誰子不將妖豔嫁東風

雷淵梨花詩句

端合長隨畫師耳杜鵑

啼血春山香奇峯筆下有奇芳春歸不忘送春意使我讀畫心茫茫茫茫且盡

杯中醕醉中愉快逢天女彼姝四子前致詞各住花間最深處須臾人去酒醒

時對畫思花亦太癡花若有靈應識我夢如無據可無疑夢中祇覺夢良好醒

後還嗔醒太早安能再作夢蘧蘧勿放韶光歸草草吁嗟乎諸君妙手世無多

霧眼看花奈我何花不能言知有意願將夢境再研磨

陳梅谷贈詩依韻奉答

笑我生成頑鄙姿爲君所納贈佳詩

魏武祀橋公文特以頑鄙之姿爲大君子所納 雕龍屠狗非吾意

龔定菴詞云屠狗功名雕龍文卷豈是平生 搏象馴獅乏導師風雨一天釀愁
意余在南京任統制時嘗以刻圖章一方

日是日縱橫萬境戰心時阿難更復爲魔嬈安得陀羅理亂絲楞嚴經汝今見
我母陀羅乎

去年閏五月朱小唐同年壽辰友人爲稱觴設盤桃會時余方避亂未與

也今歲五月爲詩祝之

去年兩宴盤桃會我正流離未躋堂早見一門稱四傑

前清光緒甲午鄉試小
唐叔姪兄弟中式者四

人世有一門行看七葉慶重光卅年遠別驚人老八極飛塵爲底忙好向西池

乞良種爲君上壽再稱觴

癸亥生日親朋有欲製壽言稱祝者愧不敢當詩以謝之並戒兒孫輩

賤子生不辰未冠喪其父家學不克傳一身將何怙中年又喪母無恃身更苦
念我身從來心如萬矢聚奈何集親朋侈語稱祝祜祇益吾罪耳復何功可數
世人立功者正如開平方有面而無體事過人輒忘必如立方式備上下四旁
斯可垂久遠夫我豈能當功固無足數名亦無足揚神仙旣相失富貴徒自戕

李白詩富貴與神仙蹉跎成兩失余謂富貴適自戕耳失之固美事也 昔年頗學道屢與紛華戰雖未絕萬緣庶幾明一線損之又日損要如金百練親朋良愛我願以德爲援禮可爲幃屏仁堪作飽麵此中有至樂勝飲蟠桃宴

癸亥生日自訟

笑我衰慵百不堪駸駸六十又過三虛名卅載眞成誤政體三家未可談余昔論以東周之季生三聖人目擊家天下專制之慘各思出其道以平治天下則於極樂世界孔子者寄師統於君統者也釋迦者寄君統於師統者也老子無所謂君統師統而直寄斯民於道統者也老子釋迦之道相去尙遠惟仲祖述堯舜卽現在共和之制余嘗著大學述義發明孔子之道而軍閥專制視往日尤甚未見其爲眞有夢不遊江以北前清之末余曾任江北提督戊午會共和可與談者誰乎有夢不遊江以北夢之有自識詩云于今往事無人說豈有閒心與夢謀遠寺鐘聲無錢空憶水之南先君曾葺一屋在丹桂里中有忽驚覺似噴癡念未全休池池之南曰水南樓先君自居之透而西爲擡雲閣則予少時讀書處也既而典與人余去歲歸里已與某銀行商允借資贖之再賣去其三分之二以還銀行而獨留此池與樓焉未幾遭亂余又出年年學道都難了安得歸營了了菴

癸亥生日避人作壽赴香港漫遊

避人作壽走天涯袁子才年八十竟上峯顛歷寶階有最高之山曰太平山旁

三環園林房舍歷歷在目中有他岩不能通者則連石橋接之亦互千丈洞口

范成大白玉樓步虛詞云雪色寶階千萬丈人間變作白虹看甚似之也

流泉雲道冷有山道曰寶雲道鑿山通泉水天邊列宿電燈偕萬家水曲成人

境一客山前有退齋我自無錢難買宅可容小住亦良佳陳君亦彭於香港對面九龍之山麓築室

約余往居之 陳亦彭君邀居其家九龍城下亦園劉筱雲有詩即次其韻

避壽思居清淨城傳燈錄拘拿舍弁尼佛人壽多君招我有同聲依山築閣星

如接鑿石通泉水不平雲外祇疑笙鶴近海旁唯羨羽鷗輕九龍何在當從汝

天上遨遊且遁名

香港漫作

羣峯疊嶂舊荒洲七十年前未可遊一自通商成口岸頓教名勝重環球移山

竟遂愚公志填海真同精衛謀香港本在山麓無平地英人歷年移山土以填

海岸遂成巨埠今歲余遊名園又見畫有海線

將移前面之山以填之云 欲向麻姑問消息幾時滄海盡成疇

家煥文招遊名園並贈詩次韻答謝

舉世爭馳勢利場

用劉克莊句

此中幽邃足傳觴登山望海情何遠讀畫談詩味正

長聞道龍蛇方競鬪且看鴻鵠獨徜徉多君美意羅珍饌更使忘憂有杜康

癸亥生日既為五古一章謝稱祝者旋赴香港避之昨歸問諸兒是日仍

有親友來賀更覺簡慢矣再占此詩

伊川生日輒興悲我亦思親不自持豈有矯情慢賓客實緣抱恨失嚴慈九原
祿養何曾逮一世虛榮敢自私况我二人無此事

先君逾七十而卒先生母六十時賤子曾乞姻丈周生霖

侍郎為壽序將稱觴先母以先君一生未嘗作壽力戒賤子而止

寒家素以寂為尸

寂寞為尸楊雄解難語蓋以寂寞為主也

六月初二日榕園消夏即席口占

莽莽神州未止戈茫茫天意竟如何羣公袞袞饒籌策吾輩閒閒且放歌伏日

閉門堪避鬼

後漢書初合伏閉盡日註伏日萬鬼行故盡日閉不干他事

僧房思睡亦中魔

余連夕失眠是日頗倦 留

春往日今消夏作畫題詩孰與多

前春盡日諸公會爲留春圖贈予題詩者甚多今消夏集者二十餘人興復不淺

江霞公和予生日詩次韻答之

捧讀佳章益自悲心脾感動不知持高才何讓張三影至性真同荀八慈去日

流離曾被德卽今來往未言私

去年夏政變余被劫不能自存君力濟之復爲買招商局船位遂得赴滬今年春旋粵未嘗有

以報之君亦無一言及前事也

還陳一語爲君祝好善從來福壽尸

余生日既走避不遑而諸公仍有投詩文稱祝者情則厚矣我愧如何再

次前韻謝之

諸公譽我我何堪欲避慚無兔窟三莫得是非原不易自求胸膈亦難談盛名

赫赫終奔北

奔北敗退也言盛名之不可恃也灌德興許氏溪亭記云方其引陶然心與境冥則是非得喪相與奔北之不暇用奔北之意亦同

大道茫茫望指南先饋五漿雖重已藏身還欲結茅庵

譚組庵部長旋湘有詩留別江霞公和之出示余同和次韻一首

馳騁文場憶少年相逢又別意爲顛湘民望治情彌切江老聯吟詩獨圓饑溺

已深宜急拯天人相應可無前夢中得句堪同證革命成功道粲然

余夜和此詩前字韻

屢易未當擱置就寢夢中聞人誦湯武革命順乎天而應乎人之語醒而構思遂足成之後漢書五行志云天人之道粲然著矣末句用此

劉伯端有詩寄懷次韻答之

失計當年重川兵

荀子重用兵者強

知希爲貴欲逃名道窮都覺粉華勝世亂誰憂荆

棘生如子多才誠可畏嗟予垂老實無成未除結習餘詩酒中夜猶聞醉嘯聲

連日颶風劉筱雲有詩次韻答之

驕雲突起漫西東八表昏昏日夕同聞道蛟龍方水戰誰憐鴻雁失年豐孤舟

直竄銀河畔大木橫流碧海中我欲回天知莫濟聊從善士散陳紅

蘇詩不妨持節散陳

紅陳紅倉穀也余近日方與各善士籌議散賑

止酒久矣近以夜不能寐輒復飲之戲爲此詩

先子教余志帥氣細及矢溺可自持

余年十六先子問曰汝知以志帥氣之用乎對曰未也先子曰遺矢溲便亦有志在日用

萬事不可離此志也後余凡喜怒哀樂皆以志帥其氣幸不致爲物所役

倘來富貴心不動須防貧賤爲所移志與

氣戰四十載，氣乃敗北無能施。不圖睡魔畏我甚，引去竟莫知所之。壯年失睡，尚不覺垂老難息。母乃疲，有時守書眼欲閉，急起依枕思。又馳東坡尋睡，自有法安置。長髯及四肢，勤恪李公畫死字。一無知覺要如尸。

李勤恪公嘗爲予言夜不能寐最苦恆于

席上以手畫胸際作死字千

百遍閉目瞑心久乃睡去 余效兩公都不應，惟有飲酒堪爲醫。昔我自少卽

嗜此一舉無慮千百，卮後恐吾志爲所役。遂乃止酒不復疑，無可奈何又召汝。久別相見甘如飴，日間擾擾萬緒起。存亡得失紛如絲，得汝無何便欲睡。蘧蘧無思亦無爲，天地有無且不覺。正如華子病忘時，華子病忘却非夢。我則或且夢迷離，幸而夢入華胥國。無帥長民無知不幸，誤遇蠻觸氏蝸角爭地。吾則謔世人，豔說高唐夢。白頭豈足對黛眉，本無三徑植槐樹。南柯一郡誰與治，盧生受枕亦太戇。榮辱備歷才一炊，凡茲夢境非吾願。汝勿導我遊于斯，所願得飲中山酒。一醉千日與汝長，聚汝勿辭。

癸亥七月二十一日卽陽歷九月一日日本大地震水風火並起東京橫

濱幾覆亘古未見之奇災也余屢屢遊日回首前塵不勝哀感欲爲詩紀之不能成聲勉作七律一章聊述大概而已

滄海桑田幾度成一朝浩劫劇堪驚燬家處處成焦土拔宅人人上玉京螻蟻

王侯等同壽火風地水若無情舊遊回首多悲感更有何人與論兵前清光緒間余官統

制嘗赴日本觀操其參謀總長奧大將屢開各國閱兵武官大宴會皆推予爲領袖此後余又兩次赴日所晤對將校相與談兵甚樂也今十餘年間多物故

此次之災存者何如尤爲可念耳

珠江附友人汽艇歸口占

一葉長江去似飛馭風騎氣水沾衣此時真似天上歸家人頗恠香滿袖老翁

腹飢索蒸豆近來實坐吟詩瘦時因議事得聯名用蘇句卑無高論亦自輕焉能

不欲負蒼生

伍學焜生日占此爲壽

日月眞同坂走丸憂時辛苦去爲官未防鬢鬢乘機白可有神仙駐世丹人事

已看如水火癡心還欲判鹹酸祝君勁節如松柏好受冰霜耐歲寒

老友石星巢民國初年相遇於京邸過從甚樂余自丁巳出京遂不復見

昨其壻陳芑村出其遺草一冊為題此詩

少日又場負盛名老年醉墨亦堪驚京師一別難重見把卷題詩無限情

中秋賞月習已千年余自己卯後值中秋祇益悽愴今歲又聞訃有庶母

羅太夫人之喪尤多悲慟中宵無寐以長句寫之

六十三年遇秋節最惆已卯及今番

先君卒于己卯七月二十日中秋正在三七中也當時只覺天難

倚至是猶疑月有痕勿問尊前羽衣曲

是日正為園遊會籌賑日災余亦在事後以聞訃不能到園中有齣部演劇

也

生憎夢裏管弦喧

晏元獻守南郡值中秋陰晦王君玉投以詩云只在浮雲最深處試憑弦管一吹來晏逕起詔客治具夜分月果出

是夜亦先陰後晴鄰里甚喧闐不能寐也

瓊樓玉宇寒如許願屬清虛塞此門

又恐瓊樓玉宇高處不勝寒東坡中秋水

調歌也

粵有黃花雀

俗謂稱禾花雀

又名秋風鳥歲秋風至則羣魚躍出水上輒變為鳥

居民於海旁張網捕之肥美多脂秋日偶食之爲賦此詩

臨海異物志云南海有黃

雀魚常以六月化爲黃雀
十月入海爲魚卽此是也

披綿黃雀信多脂

蘇詩披綿黃雀漫多脂

正及持螯對酒時聞道秋涼魚善躍恰如水大

蛤來奇雕能產犬非常事雉或爲蛇偶見之恠汝年年欲飛去江湖雖樂不能

繫

學壽堂詩集卷六

番禺徐紹楨撰

●南歸草四

黃健之同年六十生日有感懷詩次韻二首

濟世知君萬物周，丹經千卷腹中收。上池昔日幾回飲，花甲今朝又起頭。學有

淵源重家法，壽同江海異常流。日新其德如濂子，緣督爲經罔不休。

君所居室榜曰緣督

廬草

共逐文場已卅年，今來同事亦前緣。世人皆病君能救，吾道終窮我失傳。黃菊拒霜留晚節，丹萸插帽費閑錢。年年此日登高會，對飲心冥不寄筌。

崔滄海爲有宋清獻公之裔孫，今年重九六十生日，占此爲壽。

菊坡鬱鬱氣佳哉，晚節黃花冒雨開。自昔重陽總如此，今朝高宴孰堪陪。從知政學流傳遠，自有孫曾濟世才。更爲從頭數花甲，循環應復幾多回。

清獻有菊坡銘云毋

以嗜欲殺身毋以資財殺子毋以政殺民
毋以學殺天下後世余生平最服膺斯言

吳晴秋今年六十作詩十二首示予答此爲壽

東坡嘗頌濮陽賢醉臥溪堂自得仙老友歸田無異趣有妻偕隱亦同年今番

花甲從頭數早歲文章已足傳十二章詩光佛似光華照耀信無邊

佛經言無量壽佛有

十二光佛之名稱

陳樹人邀遊息園醉後賦此

無恆安息爲蒼生大好田園不暇耕賣劍買牛猶未可殺雞爲黍却多情當門
潮水時來去隔岸雲山解送迎卽此便堪成大隱歸歟何必效淵明

冬至日樹人隨中山先生遊觀音山有詩次韻和之

一陽初復管飛灰萬姓傳呼萬乘來歎息有人登廣武廢興誰復認高臺

山有趙佗

所築朝漢臺

君饒清興成新詠我向肥冬醉舊醅此地天南峯第一可因形勝出奇

材

十三年元旦招同內部諸君歡飲陳奉階詩先成次韻和之

諸君從事每忘餐終歲勤勞暑復寒日日風光宜傳座百年粗糲且登盤元宵

可借五旬樂

宋人有借元宵之說今距元宵尚有五十日也

中歲何無一日歡我自衰慵狂尙在拚教

華髮觸危冠

與沈演公談詩甚樂因得讀其詩嬰稿賦此奉題

我詩多病正尋醫合藉君詩爲我治酸鹹真有味外味得失從來知不知千古

山川饒變態幾人顏色尙胭脂開編忽見舊遊地口不能言只道奇

君所示詩皆桂林遊

草亦皆予舊游地讀之如神遊一過也

黎澤闈校長招賞梅花醉歸時并以折枝相贈以詩謝之次陳奉階韻

貴人隱士共傳觴

楊萬里詩林中梅花如隱士只多野氣無塵氣庭中梅花如貴人也無野氣也無塵

野氣無塵滿夕陽

姑射神人情脉脉

朱子詠梅詩姑射神人冰雪姿

九疑仙子貌堂堂

范成大梅譜綠萼梅好事者比之九疑仙人賞

心樂事真無盡作畫題詩總有香難得風流老都講折枝持贈意尤長

楊西巖於東山之東闢地爲園冬時梅花盛開招人賞之醉賦此詩

東郭行行得此村雲山遙映水侵門暗香先覺梅魂返生意欣看菜色蕃到門先聞

梅香又見村農多人挑菜把屯門首半日偷閒誰醉醒有人論世說亡在時艱獨樂君安可走卒

都知五畝園蘇東坡司馬君實獨樂園詩中有五畝園花

西巖招賞梅花既占一律示諸君和之頃復見梁桂山一律亦次其韻再

和一首

滿意相思適見邀朱子賞梅詩仰頭欲折一番出郭駕飛輶到來索笑情無

限醉裏聞香夢不消諸子勿愁風雨急和此詩時此花寧畏歲寒凋吟詩我亦

如翻水七字猶成韻不饒

昨題演公詩癡意有未盡再占此

憂患滿人間如何君獨閒自言詩有癭無乃抱中癢未信忘形易須知高詠艱

齊桓不可作肩胛任班班

十二月二十八日余楚帆贈牡丹詩以謝之

昔日艱難最後開東坡謝郡人田賀二生獻花詩有艱難最後開之語先春今見錦千堆後日方立春狂香應

共玉梅返皓態羞借紅杏栽我苦勤勞思退步汝原富貴急登臺良朋持贈有

深意北勝爲言安在哉

陳梅谷李芝畦劉仲彭又各贈牡丹賦謝之

人間已有百花魁何意珊珊汝復來難得傾城好顏色梅花應與並頭開

廿四番風尙未過只疑天上雨曼陀東坡遊太平寺淨土院觀牡丹詩天雨曼陀照玉盤良朋持贈多情

甚霧眼相看却奈何

麥薊畦七十晉一壽辰詩以祝之

早歲明經已足傳不求聞達不求仙紅旗黃紙都无夢雪鬢霜髯自得天道術

相忘塵垢外壽星長朗月光前君生於正月十一日距元宵四日耳春風大好來蘇物我亦登臺

爲粲然

甲子元旦立春日約同陳樹人諸君各攜眷屬集息園遊宴同會六十餘人卽事口占

過江羣彥共迎春白髮紅妝結隊頻梅柳忍寒能待客鵝鳧戲水若爲親裁詩默坐成癡鈍泥酒行觴迭主賓笑我衰顏羞采勝屠蘇最後復奚斷

李協和出示歲暮感懷兩首依韻和之時值甲子元旦立春作於息園

春來景物信無邊人說今年異舊年吾道從來罔不勝斯民自古總堪憐君饒長計明如火我坐終窮直似弦自欲觀身亦無法不如爛醉息園眠

夜半深池未敢前江皋騁鷺豈能先嗒然方隱子綦几茶矣慚揚祖湊鞭憂樂難除終是妄窮通胥失孰爲賢兩忘物我還酬唱高詠眞輸李謫仙

葉升初七秩壽辰以詩奉祝

今年春色倍芬芳剛過元宵又舉觴百歲相莊稱二老八元競爽有諸郎愛園

君家有日麗仁斯溥洛社風流樂未央君善養神得天厚願憑繭語祝無疆

蔣智馨丈八秩壽辰以詩奉祝

令子論交歷歲年久聞丈是地神仙長沙府志李安仁以詩書督子若孫皆成名年及八十稱為地神仙萬尋

青壁人如玉世說宋纖年八十篤學不倦西泉太守馬笈造焉拒而不見笈銘詩於壁有青壁萬尋其人如玉之句九醞霞觴春

滿筵黃山谷別兄元明詩霜鬚八趙老體輕能殺賊元稹思歸詩君看趙工十期同老酌我仙人九醞觴

戰始對放翁力健得全天放翁飯牛歌我顯郊舞綵方長日顯富陽縣志邵麟號

長安城及民去後思之以父皓首龐眉為粲然揭傒斯集賢學士趙國公王開母年登八十請歸養

甲子春以事赴上海兩月而歸集同事於息園飲酒論文為樂或曰去年

春盡日不嘗為留春之會乎今又其時矣時四月一日也因賦此詩同

事有陳羣嗜則於予歸之前一日亡矣并以哭之

息園笑我不知津植杖而談未學芸兩月遠行成底事一尊羣彥更論文撩人

春色真無賴養物南風亦可欣是日南風甚大檢點舊遊弱一個鄰家吹笛不堪聞

前詩意有未盡再占此

去歲留春意足多今年春盡又如何乍誰有力偷負去蘇東坡寒食雨詩暗中偷負去夜半真有力

自我無心似夢過空裏光陰難撮得蔡禪師十元談了了了時無可了元元處亦須訶殷勤為唱元中曲空裏禪光撮

得人間煩惱總成魔百年未滿須縱酒醉倒真成叟落河

五月十七夜夢羣車競奔爭先恐後似有一車將覆余方為之張惶忽聞

人言虎至又似聞鶴聲意態殊迷離信口占一律詩成時尙不自知其

是醒是夢也

羣車奔險軌難齊夜半深池只自迷龜鳳翳山誰辨得虎狼當道計將奚失蟬

徒為螳蜋惜策騫寧知騏驥嘶鶴有乘軒亦清唳問君何事儘悽悽

偶占三韻七律白香山律詩有此格

舊書亦既為吾誤新法當求勝我人虔州志王安石行新法欲以孫立節為條例司立節曰當求勝我者小劫已

成何忍住佛經言饑饉疾疫刀兵諸劫有大中小之名合二十小劫為一中劫

名曰壞劫歷第四次中劫名曰成劫歷第二次中劫名曰住劫歷第三次中劫曰空劫合四中劫為一大劫全鋒不露本非真傳燈錄僧問大茅和尚如何是

塵不露鋒師
云無當者
從來在有身

天宮地獄誠無二
地獄與非非
想天劫數苦樂等無有二

圓覺經地獄天宮俱爲淨土等量經阿鼻
大患

一字至七字詩和白香山集八首

詩寓意修詞明素志
寄相思可歌可泣若喜若悲
風雲多變態花月負幽姿
酸鹹各有面目得失只自心
知快偈千翻如潑水苦吟一字似敲棊

花踵麗增華聞疑燻炫若霞樓臺如畫山
野誰家好風吹淡蕩疎影自橫斜
天女散來何處佳人折取堪誇入定有香通佛意
自憐無夢結心葩

月無梯有窟青天生碧海沒靈藥難偷桂枝誰
捋麒麟聞有鬪麇諸那得齟齬
定攀花入池夜明如水浸闕二分無賴在揚州
千里共明是吾粵

山霧鬢煙鬢泉聲急雲影閒不深惟恐太高又
艱松竹有佳趣猿鶴亦仙顏
青壁千尋高聳碧溪九曲灣環此內儘多吾故物
獨憐老病苦躋攀

茶綠髓碧霞桐君錄陸羽家碾凝玉乳筋點瓊花
牽牛無道士吹鼎有嬌娃得

汝詩清如水何人病熱生痕銷金帳下羊羔酒爲問何如一葉芽

愁多慮擔憂攢心上聚眉頭有城有陣無春無秋怨婦思遠道羈人怕倚樓富

貴豈能身免英雄亦或淚流我心不動樂自在閉門何欲復何求

竹猗猗簇簇樹樂池生嶰谷知音蔡邕煎飲劉彧虛真是我師深可留客宿斯

民倚若棟樑

異物志南海有竹大數圍可爲棟梁

君子斐然淇澳此材自許老更剛

王安石詠竹詩高材自許

老更剛丈夫何必飛食肉

書意達情攄魚腹妄雁足疏人間電訊天上飛車萬金家信抵千里面談如一

紙叮嚀歎密數行涕泣欷歔天涯老友嗟離別安得修緘叩起居

白香山有啄木曲余本其意爲進一解

腸結定非錐可解心愁豈有剪能鉸淚珠難把線穿得鬢雪甯堪火爍消我讀

香山啄木曲謂只神聖酒可澆豈知酒退還依舊而况雪鬢酒亦不能調我聞

人生憂樂常各半日雖勞苦夜逍遙尹氏役夫昔昔夢日爲人役夜臨朝其樂

無比自無怨安有愁腸雪鬢淚珠飄然而夢醒我亦無以解大患有身何能超
苟其能超空所有腸乎心乎淚乎鬢乎何爲有何爲無而何一不脩脩

桂南屏姻丈贈詩四首次韻奉和

君家奕世守宗彝

張九齡詩明德有自來弈世皆宗彝

我失家傳悔莫追戎馬卅年春夢醒白頭

吟望苦低垂

用杜句

三代論交德不孤南宮東觀有遺書嗟余破產同無賴愧向人間說兩徐

戴表元和

阮侯得子詩我欲歌三賈誰能說兩徐

昔夢華胥望大同天人終覺感難通著書無補蒼生苦

余舊著老子大學兩述義頗述大同之旨君詩

稱及代起誰爲一世雄

欲學龍蛇蟄此身此身非妄亦非真非真非妄原非我無我何須更道人

附錄原作

桂 坵

通介堂中古鼎彝 庭蚤歲願攀追二徐家學匡南閣要把千年統系垂

令先君子先生著說
文注箋為許氏功臣

擎尊對月不嫌孤同祖班葉著書初元與先子同修粵東輿地圖 一代

經師名父子江南王氏嶺南徐高郵喬梓世傳經學

老說歸根孔大同澄心妙語緒言通大著有道德經述義大學術義邵公學海茫無涖何

止鷹揚蓋世雄

暇日衙齋著述身劉班略藝品評真鄉邦持靜宏搜采萬卷琳琅尙有人豐順

丁氏為海內臧書大家君家所臧富於丁氏有書目二十卷並有題跋辛亥一炬世重惜之遠紹旁搜且候他日

五月十日夜雨徒步歸寓途中屢蹶右足遂成重腿之病累月乃愈是日適與

夫罷市無肩輿可賃

民愁墊隘斯成腿我本蒼生願共之未欲先登遲亦好獨憐重足立難移僕夫

瘡矣誠同病白香山傷寒行賦涉泥濘兮僕夫重蹶仙侶跛兮孰與醫累月閉門惟坐臥行忘真

覺一無為

往歲乙酉仲秋余嘗與金漣生同轉遊梧州冰井寺憩準提閣金先成五律二首余和之嗣是南北名士屬和題詠者不下百餘家遂有冰泉唱和集之刻今四十年矣前歲余於戎馬倉皇之際一履其地已改建學校非復舊時風景今年夏與老友陶勉齋談及之勉齋追和前詩余亦次韻二章寄金常州再和之也

四十年前事眞如一夢遊已成新世界無復舊春秋猿老啼聲苦禽歸講席收

劉禹錫詩句 何當同杖策遺景再窮搜

準提閣何在香海墓原虛

準提閣已燬去閣數十武山麓有施香海衣冠墓不知今尙在否

年遠神猶往迹堙

情未疏手足不相見

余兄季同弟彥皋曾同遊今均下世矣

神仙安所居

登準提閣過遇仙橋亡弟彥皋曾有詩云流水

朝還莫神仙迹已虛

祇應行萬里世外訪樵漁

家煥文贈鐵觀音茶占此謝之

從來佳茗似佳人

用東坡句

况是觀音名號新定有楊枝來洒露不塗面首自消魂

品茶要錄云沙溪之團民或雜以松黃飾其面首又南史齊帝賜公主面首者三十人
餘甘氏族誠非忝不夜封侯孰與
論相對深宵竟忘睡香衿辜負未曾溫

六月十八日市樓與楊徐張謝諸議員縱談既被酒遂歸寢夢得六句不知何謂也姑足成一律以紀其事

我望耕田穫嘉穀有人鑿壁植篷篙奔蜂化蠋終何益天馬搗蟬枉自豪羿雀入籠投好耳越人去國省音勞夢中得句醒難解說與諸君共一謦

和鄭韶覺財長北園宴集原韻五首

司農仰屋日嗟咨數米而炊事可知便欲去兵還去食總持一信不能移君去歲在

滬曾以論語此題徵八此文

近歲西南撻伐張頗聞東北亦分疆何時天下定於一兵氣銷爲日月光用常建句

謀國吾爲學說來十年無補負靈臺諸公各有回天力可使天門闔復開

老釋不作孔子去余之學說治天下當分三級一君統卽今日選舉大總統統制孔子所謂祖述堯舜是也二師統釋迦牟尼之制行君之

後則師統繼之三道統其時乃無所謂
君統師統而盡納斯民於道統之中矣
觀我民生實可憐長國理財君有道願
爲蒼赤解情纏

憂時誰爲去蕭蒿我亦衰慵聽所遭祇有詩壇和酒陣尙思拔幟一稱豪

再和陶飲酒二十首

甲子七月二十八日航海赴滬舟中無事飲酒爲樂因憶丁巳秋東歸曾和
陶淵明飲酒詩猶能記之輒自誦之又自和之苟求趁韻成句以寫一時之
興而已其時耳之所聞目之所見蓋在一舟之中而心之所感則或逸出於
萬古之前九天之上興之所至并自忘吾而何論吾之詩又何問陶之詩矣
我忽度東海人謂我何之我誠無所之從事亟失時治平天未許艱危方自茲
老我况多病歸歎其勿疑何處真我家一尊聊自持

四顧茫茫耳都無飯顆山茲山究何在問天亦不言吾聞財政長乃是大有年
此言來異域醉客毋浪傳

天地生萬物不齊乃其情一吹萬不同安論實與名物我俱化耳何死又何生
宵來風怒號海驚吾未驚開尊但飲酒所懼詩不成

大鵬將圖南搖搖更九飛斥鷃翔蓬蒿未聞有所悲各自適其適易地皆無依
我思古至人無已以爲歸大小咸同化胡問盛與衰且從蘇子論未化酒莫違
波濤日澎湃如聞車馬喧茲船信宏麗破浪無倚偏如登七寶闕飛渡三神山
佳名謚皇后船名亞似御六龍還登此只驚歎飲酒復何言

我欲游無窮所至皆非是環中自有道莫辨成與毀不如且飲酒役役何爲爾
既醉紛起舞麤毳雜羅綺是日舟中有跳舞會

孔子說大同緬懷三代英我亦惡專制欲順衆人情三民有學說使我夙心傾
如何過激者異論忽飛鳴悲歌非醉酒獨哀斯民生

寥天有黃鶴自負凌宵姿橫絕四海上知欲栖何枝與世原無爭宜世未之奇
落廬與繪繳治之將何爲楚策黃鶴奮六翮而凌清風自以爲無患與人無爭也不知夫射者方將修其落廬治其繪繳將取己

乎百仞長饑汝能忍古詩黃鵠長忍饑魏哉安可羈

我有衣食住願爲衆公開人人出其寶將歸何人懷歸之專制體必與民情乖情乖防亂起戎車復栖栖民有盡國有細且及沙泥暴君與汙吏誰曰事不諧君方驅帝制歧途慎勿迷醉翁發哀歌歌罷賜九回

我友昨圍棋時舟中有圍棋者局蹙守邊隅朱松詩更起爭棋誇得一着偶失計全局

皆迷途夜半騎瞎馬朽索安從馭乃知天下事一壞無遺餘不如且飲酒獨與

神明居支遁句

倉廩與府庫有之皆非道長國務財用戒得豈獨老厲民以自養何異摧羣犛竝耕原甚難勞心便爲好食人食於人各自有所寶勿哂醉翁言堪爲斯世表銜杯獨枯坐彌日亦亘時偶然得佳句却是古人辭昂頭天外看賞心方在茲銅箏忽競奏哀怨殊可疑船有西樂是時所奏之曲殊有哀怨之音吾有終身樂得失難相欺汝何不相諒欲以此動之

天海眞一色足以清眼境獨有心內塵

梁武帝淨業賦外清眼境內淨心塵

欲寤難先醒

新書昭然先寤

乎所以存亡故曰先醒

憂樂未能忘道味安從領醉中偶吟詩徒苦管城穎聖教重無言

何取丹青炳

常爲酒所酣不知老將至衰年本無嗜終日心如醉友人勸我止試驗亦多次
試之而不可乃悟自性貴人莫不飲食眞鮮能知味

天際有海市忽現神仙宅鷄犬與人民擾擾無停迹亦有獅虎儔氣象紛千百
吾方欲縱觀倏爾成一白人間眞彈指對此三歎息

海內各水族波濤生來經浮沈遂其性自受天地成誰人建筵滬辛苦亦屢更
吾觀嗟已倦歸室誦黃庭夜來河伯使又作桴鼓鳴嗟哉不飲酒何以遺吾情
靈洲衣冠氣先君傳素風著書漢宋并治行循良中立已廉而讓任道介與通

平生有遺訓習射先辨弓

楨少時習射先君嘗引書太宗之說教之曰木心不正脉理皆邪發矢不直故習射先辨弓

安排入寥天去化誠無得斯其所以乃吾心一不惑開尊獨爛醉并忘天地塞

今夕復何夕母在大莫國吟詩獨爲何自閉長默默

先母昔訓予著書勿求仕

先母嘗教予及七家兄以爲登兩榜第不如着一卷書立萬里功不如傳千秋業詳余文集內祭先母文

功業與文章無成皆可恥奚異寄生蟲欲入無何里

蘇詩只有無何真我里

余有三統說

君師道爲紀

說詳余所着道德經述義大學述義

重德而闢財世亂斯可止質之里中人恃乎或

無恃

我欲合萬妄以成爲一真

宋景文云佛合萬物之妄以爲一真

世風不古若散朴且澆淳雖革帝

制舊未成民國新治兵愼到說客皆蘇秦仗爾十年運灑遍萬劫塵民意誰過問國事要共勤但求達目的仇盜亦可親天心未厭亂桃花亦無津若論造因者吾亦一罪人

虛飄飄

外國郵船瀕開時船上人各以紙條長一二十丈飄於岸際而持其一端上下盤旋如龍蛇飛舞送客者接得之又取一條聽他客來爭接船離岸不能

接乃止余在船中亦購紙條數盤爲樂因憶東坡虛飄飄詩得紙龍舞千條
句客既去乃續成之

虛飄飄露珠走蓮葉冰草結河橋

十六國春秋前秦錄魏昭成帝擊劉衛辰時冰河未成乃散葦于上冰草相結如浮橋焉

風箏飛幾處

是日多放風箏者

紙龍舞千條欲乘潛艇入碧海便擬飛機遊絳宵虛飄

飄比功高者猶堅牢

今年奔走滬粵數次八月一日又抵滬上占此自嘲

營餼戀祿未知羞終歲饑驅爲食謀儘有神仙做不得急流勇退亦難求

陳希夷初

見錢若水謂有仙風道骨意未決命老僧觀之僧云做不得但能富貴急流勇退耳見江鄰幾雜誌

九月十七日飲酒讀史作

是日方由滬返抵粵垣

一夕狂飈捲地馳悲鳴萬木已無枝驚鳥繞樹愁三匝病鶴歸城失伏思出世
求因終是妄尋聲問苦亦良癡三杯戰國強秦斗無計消憂醉亦宜

觀物

螳臂當車事可傷，靈蛇吞象願難償。
雨侵蟻垤鶴偕至，風折蟬枝貓欲狂。
翠羽豈知牛角健，金毛眞令獸羣藏。
吐絲自衛蠶何賴，衣被蒼生汝已僵。

秋感和劉伯端原韻

人道秋高氣候宜，我來觸日祇增悲。
風吹野燒焚山日，月照栖烏繞樹時。
東北雲興天欲雨，西南舟覆客談棋。
世說謝弘微與友人棋，友人自西南棋死，勢一客唱言西南風急，或至覆舟，其人悟而救之。
登高合讓君能賦，庚信江關無限思。

自滬旋粵患頭風黃友笙醫生爲治之賦謝此詩

適當有疾似幽憂，豈意神醫爲我謀。
靈藥無殊孔璋檄，盲風竟去阿瞞頭。
瘡痍滿地何堪問，安樂於吾向未求。
那得君家治天下，人人無病逐天休。

寄懷陳樹人息園

兩年與子同憂樂，一旦分襟各暖寒。
顛倒英雄由造物，縱橫天地賸詩壇。
偶看野燒悲狐兔，不信人寰有鳳鸞。
我自飢驅無藉在，息園何日共盤桓。

凌彼洲丈暨其夫人七旬雙壽詩以祝之

冬日元英吉事稽高堂景物慶折折養親周敏全家樂

周敏父母皆七十明太祖命為長洲教諭以

養親多子于京壽域躋

王于京七十能御八十妾生二十兒壽至二百歲

耳裏聲聞新將相

白樂天七眉十詩句

前食案老夫妻老萊偕隱成佳語

老萊子七十歲楚王請以為輔從其妻言備而偕隱

豈羨周姜得國齊

太公七十釣于渭得鯉列腹有書曰望封於齊

十一月十八日經易門尊人六十壽辰同人稱觴上壽甚盛余為此詩祝

之

甲子平頭六十年是翁矍鑠氣如仙與天爭力精神健

司馬溫公六十寄范景仁詩從來好與天爭力

為室求材治理全有子研經得仁術

易門好研經余嘗見其購歸許學之書甚多以為非先識字不能通經又嘗為余言

今欲平治天下非講仁術不可余甚佩之

羣賢上壽醉瓊筵杖鄉今歲多歡樂杖國來年舉國傳

學壽堂詩集草卷終

再刊誤

卷一	十七頁	十一行	第二十二字	高誤黃
卷二	七頁	三行	第十六字	雌誤雄
卷二	十頁	四行	第三十九字	細誤細
卷二	十一頁	十一行	第二二字	嚴誤巖
卷二	十三頁	一行	第三三字	著誤着
卷三	六頁	九行	第十六字	韻誤韶
卷四	十七頁	九行	第二十一字	聆誤聆

民國十七年歲次戊辰
學壽堂詩集六卷

著述者 番禺徐紹楨

校對者 東臺潘寶澄

印刷者 明星印刷公司

上海圖書館藏書



A541 212 0022 47258

~~F25783~~

105/8-21